

D. D.

DISSERTATIO JURIDICA,

DE

PRISCO IN PATRIA  
SERVORUM JURE.

---

PARS PRIOR,

QUAM

SUFFRAGANTE CONSULTISSIMA FACULTATE JURIDICA  
IN REG. ACAD. ABOËNSI,

PRÆSIDE

MATTHIA CALONIO,  
JURIS PROF. REG. ET ORD.

*Publice ventilandam proponit*

JOACHIM JOHAN VON GLAN,  
Aboënsis.

In AUDIT. MAJORI Die XIX. Junii MDCCCLXXX.

H. A. M. C.

---

A B O Æ,

Impressa apud Viduam Reg. Acad. Typ. J. C. FRENCKELL.

HELSINGIN  
YLIOPISTON  
KIRJASTO

*Pone crucem Servo! Meruit quo criminе Servus  
Supplicium? Quis testis adest? Quis detulit? Audi,  
Nulla unquam de morte hominis cunctatio longa est.  
O DEMENS, ITA SERVUS HOMO EST! Nil fecerit, esto.  
Hoc volo, sic jubeo, sit pro ratione voluntas.*

JUVENAL. Satyr. VI.

§. I.

**V**ocabuli *Servitutis* duplice in Jure esse acceptiōnem, aliam quando de *rebus* agitur, aliam quando de *personis*, nemo fortassis est, qui ignorat. Priori respectu *Servitus* est *jus alieni in re aliena constitutum*, ad utilitatem quādam ex illa percipiendam, nobis *Besvår*; *Besvår och loft*, som granne af annan tåla bör; som ligger å jord (a). Atque hoc pertinent, quae *prædiis* sive *ruficis* sive *urbanis*, in gratiam aut alterius *prædii*, aut certæ cujusdam *personæ* haud raro incumbunt *Servitutes* itineris, actus, viæ, pascendi, ad aquam adpulsus, aquæ ductus, oneris ferendi, tigni immittendi, stillicidii, lumiaum, prospectus, altius non tollendi, usus fructus, usus, habitationis &c. Posteriori vero sensu generaliter *Statum* notat *hominis adventitium*, quo *imperio* alterius *dominico* *subjectus*, ad *operas* illi *præstandas* *obligatur*: quæ quidem acceptio *præsentis* est instituti. Quemadmodum autem explosa jam dudum, quæ *ARISTOTELI*, crassior forte quam oportebat, tribui solet de *natura Servis* doctrina, apud omnes in confessu est, nasci homines, quotquot sunt, moraliter æquales, nec ulli, nisi ex quæsito jure, quidquam imperii in alterum, ne insurmissimum quidem competere: ita facili negotio demonstratur non aliam legibus naturalibus probari *Servitutem*.

A

quam

(a) §. §. VII. Cap. JB. 20. §. X. C. & 17. §. XXV. C. RB.

quam quæ *imperfecta* dici suavit, in qua mutua dominorum ac servorum jura finibus societatis herilis terminantur. Ex pacto namque, quod jam intuimus, omnis pendet, quæ inter homines obtinet subiectio. Præsumendum autem non est, eos, qui sanæ sunt mentis, dum, ne naturæ beneficiis exciderent, servitutis jugo semet submiserunt & operarum domino vitæ præstationem redemerunt, id egisse, ut ipsa sua pactione finem ejusdem everterent, seque ad omnem patientiæ legem obligarent. Quod si enim, verba sunt Cels. Noodt, non *vi constat servitus sed fide*, non *ad folius domini utilitatem spediat*; etiam *servo prodest*: quia, quod padi proprium est uterque se respexit, cum in pactionem consenserit (a). Et licet satis evidens sit, juribus libertatis naturalis qua partem valide renunciari posse, quoties ex illo dispendio probabile adfulget majoris commodi luerum; eorum tamen jurium, quæ *connata absoluta* & quidem *interna* Philosophis adpellantur, alia plane est ratio. Iis enim se abdicare, quia in nullius hominis sicutum est potestate; neque ei, qui servitutem eligit, adeo se in domini tradere licebit proprietatem, ut in posterum ejus folius arbitrio, pecudum insar ratione carentium, agi, tonderi, deglubi, ac devorari velit. Quod ipsum tamen non impedit, quo minus varii constitui possint servitutis hujus imperfectæ gradus, ut nimirum alia *taxior* sit alia *adstrictior*, *perpetua* alia, alia *temporaria* serviendi conditio, prout magis vel minus restricta fuerit libertas. Contra, quæ *perfecta* vocari solet *Servitus* & cum omnimoda fere in servis naturalis æqualitatis abolitione conjuncta supponitur, Juri naturæ plane est incognita, & tota  
quan-

---

(a) *Dissert. de jure Summi imperii.*

quanta ex moribus gentium ac institutis originem traxit. Notissimum est jam ante conditas civitates, cum dispersæ adhuc per agros vagarentur segreges familiæ, ex indigentia procul dubio & bellica vi cœpisse tristissimam hanc & inimicam humanitati serviendi rationem. Docet historia Sacra eam in Israëlitico & vicinis populis Moysæis temporibus fuisse antiquorem & eousque tum jam exerevisse ejus rigorem, ut legibus mitigandus videtur (a). Vetusissimi, qui exstant, rerum Græcarum Scriptores, diræ in iis regionibus servitutis metinerunt (b). Et in primis in ore omnium est servitus Romana, non quod acerbior in hac gente, quam in aliis plerisque, esset servorum status; sed quod latius per orbem ejus se diffuderit notitia. Scilicet communibus quasi gentium suffragiis in eam antiquitus itum erat sententiam, servos non pro *personis* sed *rebus*, imo pro *nullis* esse habendos, dominisque ideo æquam esse potestatem utrum uti iisdem an abuti, servare eosdem an perdere malent. Et barbaræ huic opinioni, inhumanitatem ejus quamvis agnovisse videantur, leges etjam ipsæ subserviebant. Invaluisse eandem in nostro quoque Septentrione, haud secus ac apud reliquas Germanicæ originis gentes, indubia constat annalium ac legum domesticarum fide. Quæ vero inter Nostrates olim fuerit servitutis ratio & quæ *Servorum* jura diligenter quidem pro sui instituti modo exposuit Nob.

**JOHANNES STIERNHÖDK** (c); quum tamen haud leve in

A 2

hoc

(a) Cfr. MICHAELIS *Mos. Recht.* §. 122.(b) POTTERS *Griech. Archæol.* Lib. I. C. 10.(c) *De Jure Sueon. & Gotb. Vetusto,* Lib. II. C. IV. p. 201. *seqq.*

hoc argumento spicilegiam reliquissime videatur, operæ pretium nos facturos existimavimus, si in eadē materia paullo adecuratius discutienda, nostras qualescumque periclitaremur vires. Ita autem ea in re versabimur, ut quæ a Cel. STIERNHÖÖKIO, ejus serinia expilare nefas ducimus, brevius dicta sint, uberiori expositione illustrata haberi queant. Saltim illum futurum speramus lucubrationis nostræ fructum, ut patefaciat distinctius hujus doctrinæ cum *Jure publico* patriæ nexus, & quæ ex abolita servitute in statu civitatis nostræ fecutæ sint mutationes. Si vero inter laceras antiqui Juris tabulas & salebrofa Historiarum fragmenta festinato itinere vagantibus & maxima sublidiorum inopia pressis, errare quandoque de via contingit, id erit, quod Benivolum Lectorem mitiori perstrieturum censura considerimus.

## §. II.

Quænam antiquissimo ævo in populo Sviogothico obtinerit ejus divisio, magnis inter Eruditos animorum motibus disputatum esse novimus. Alii, præeunte in primis TACITO (a), quatvor olim classibvs gentem nostram distinctam statuunt, *Nobilium* puta, *Ingenuorum*, *Libertinorum* & *Servorum* (b). Alii contra duas tantum admitunt, *Ingenuorum* unam, *Servorum* alteram, cui & *Libertinos* accensent, quod eorum raro aliquod in domo, nullum unquam in civitate esset momentum (c). Alii denique duas quidem constituant classes; at eas ita formandas

(a) *De moribus German.* Cap. XXV.

(b) LAGERBRING *Sv. R. Hisf.* D. I. C. 10.

(c) IHRE *Gloss. Sving.* T. I. p. 6. seqq. voce Adel.

das volunt, ut altera *liberi* comprehendantur *homines*, il-  
que duplici *Ingenuorum* ac *Libertinorum* ordine distincti,  
altera vero *Servi*, quorum diversa quidem officia, nulla  
tamen libertas (a). Quae ad confirmandam unam quam-  
que harum sententiarum adferri solent argumenta singu-  
latim expendere jam non vacat: nec operosam adeo dis-  
cussionem modus hujus opelle patitur. Summatim igit-  
tur & paucis, quid de hac cōtroversia nobis videatur,  
salvis aliorum judiciis, exponemus. Primam itaque  
quod adtinet hypothēsin, qua *Nobiles*, ab ultimis inde ci-  
vitatis *Svionie* primordiis, peculiarem in gente nostra  
classem constituisse creduntur, vix a vero aberrabimus, si  
ex incauta eam præteriorum a præsentibus æstimatione  
enatam dixerimus. Etenim si quæratur, annon eminenc-  
tiori, præ cæteris omnibus loco habiti fuerint Regum li-  
beri? Annen inter ingenuos exstiterint alii aliis, rerum  
pace belloque gestarum magnitudine illustriores? Annon  
spectata horum virtus, filiis ad munera publica & digni-  
tates obtinendas profuerit? Et annon denique in contra-  
hendis matrimonii in censum plerumque venerit, utrum  
futuri conjuges æqualis essent conditionis? Si inquam  
de his quæratur, adfirmando omnino ad singula hæc mo-  
menta respondendum erit. Quis namque rerum huma-  
narum adeo est inexpertus, ut vel perfyadere sibi posset  
Principes Regios civium liberis nspiam exæquatos, aut  
summae dignationis virorum filiis, ex præclaris parentum  
meritis nihil accessisse commendationis. Est pro his, ex  
nascendi felicitate & educationis sollertia, maxima sapien-  
tiæ & virtutis præsumtio, quam mature fatis conceptam

(a) ANONYM. *Försök til en Pragm. Hist. om Frölje st.* p. 1.

mentibus suis eveli vix patiuntur homines, nisi evidenter in contrarium adsint degeneris animi indicia. Et quis nescit ad invidiam amoliendam, fulciendam magistratum auctoritatem & roberandam universæ civitatis compagem adprime conducere, ne magna aliis delegentur imperia, quam quibus singulari quadam veneratione suspiciendis, jam pridem adsuevit vulgus. Verum haec omnia, & quæ sunt plura hujus generis, in favorem hypotheseos allegari solita, ad solvendum quæstionis nodum non faciunt. Ostendunt illa, quod a THOMASIO (a) reæte est observatum, quam non difficulter Nobilitas ad liberos transitoria, ex nobilitate muneri cohærente ortum ducere potuerit. Cum enim in magno honore prius fuerint habiti, qui patrem, avum, proavum, aut bellorum feliciter gestorum Duces, aut Senatores, aut insigni aliquo facinore claros viros ciere poterant; facile posse factum est, ut arrepta inde occasione, ampliora privilegia, tanquam stricto jure debita, sibi & posteritati suæ vindicaverint. Ut autem ex his ad hereditariam & certis immunitatibus ac prærogativis, ad quas Ingenuis, quatalibus, adspirare non licet, expresso jure munitam Nobilitatem, sola nascendi sorte in posteros transmittendam, concludi queat, tantum abest, ut potius explicatu difficultimum videatur, quo tandem modo, sub ipso hoc nascensis civitatis nostræ diluculo, quum facies ejus a status naturalis simplicitate nondum valde differret, & Reges ipsi, non tam jubendi potestate, quam svadendi auctoritate populo præfessent tanta, quantum illa requirit, inter patres familiarum exoriri potuisset jurium inæqualitas.

---

(a) *De Hominibus propr. & liberis German.* §. 52.

litas. Sane non longe a miraculo abesset, si, quae in aliis gentibus, nonnisi post multorum saeculorum decursum, legum praesidio vallari coepit nobilitas sanguini inhærens & solius generationis ope propaganda, in nostra, quam vix credere fas est reliquis sapientiorem, locum mox inventisset. Nec omnino id efficitur ex testimonio TACITI, quippe qui, quod doctis viris jam dudum est animadversum, oculis in Romanorum instituta retroflexis, Barbarorum mores describens, aliam plane, quam de qua queritur, nobilitatis ideam sibi habuit obversantem. Hinc & videre licet, eminentiorum Magistratum filios, quamvis in annalibus nostris *Attflore* & *Jarlborne* celebrentur, in Ingenuorum, quos *Bondones* vocabant, classe collocari, & nisi officii dignitate prælustres essent, ignobilibus, *Utigin Män*, accenferi (a). Docet quoque, quod in robur contrariae sententiae detorqueri nonnunquam solet, exemplum RAGHNILDÆ, Regum etiam filiabus in nuptiis copulandis, non ingenuos natales, sed privatam tantum proci conditionem despiciatui fuisse. Illa enim, ambitiosa HAQUINTI IVARTII vota, quod privatus esset, adsperrata, quam primum hic ad vacuam, ex morte ORMURI, Jarli dignitatem fuisse enectus, ultro in thalamum ejus concessit (b). Concludimus itaque, nativitatem apud priscos Scygothos, non atque peperisse discrimen, quam solius ingenuitatis, adeoque nec peculiarem ullam olim existisse Nobilium classem (c). Et eo quidem tutius hoc adfirmari posse arbitramur, quo certius constat, nihil unquam in anti-

(a) WILDE Hist. Sv. pragm. Cap. III. Sect. I. §. 12. IHRE l. c. p. 9.

(b) STURLES. T. I. pp. 112. 115. 116.

(c) IHRE l. c. p. 8. BOTIN Sv. Folk. Hist. pp. 55. 56. cfr. p. 123.

antiquioribus occurrere legibus,, quod, si a superioribus  
 Magistratibus discesseris, ostenderet fuisse alios, singulari  
 aliqua, prae ingenuis, jurium ac immunitatum prærogati-  
 va condecoratos. Quod deinde, ad alteram illam perti-  
 net gentis nostræ divisionem, qua in *ingenuos & Servos*  
 distincta statuitur, *libertinis* in servorum classe computa-  
 tis, faciles quidem largimur libertinorum nullas omnino  
 apud nostrates in regenda civitate fuisse partes, adeoque  
 intuitu *publicæ libertatis*, pari eos cum servis passu am-  
 bulasse: inde quoque esse, quod TACITUS, habitu procul  
 dubio respectu ad ea tempora, quæ SEJANUM, TIBERIUM  
 libertum, & si qui illi fortuna similes, in summo inter  
 Romanos fastigio constitutum, super omnes cives emi-  
 nentem viderant, humiliori inter germanos forte vixisse  
 dicantur (a). Quia tamen ratione *libertatis privatae*, ple-  
 nam a *nexu* servili immunitatem per manumissionem e-  
 rant adepti, ut in nullius amplius essent dominio; hinc &  
 quantumvis aliqua ipsis, ex pristina eorum conditione,  
 adhaereret macula, ceu id vel inde satis patet, quod in  
 gravissimis poneretur convitiis, si quis, quem Ingenuum  
 noverat, dolo malo libertinum compellasset (b), in libe-  
 rorum tamen hominum, potius quam servorum classem,  
 eos referendos existimamus. Nostrum ergo qualemcum-  
 que calculum illorum addimus sententiæ, quam & pri-  
 fecto Juri optime convenire ex infra dicendis clarius ad-  
 parebit, qui gentem Sitionum in *Liberos* ac *Servos* & *il-*  
*los* quidem vel *Ingenuos* vel *Libertinos*, antiquitus divisam  
 volunt: *Nobilium* vero classem ex ingenuis serius fuisse  
 exor-

(a) DE SELCHOW de *juribus ex Statu ingen.* in *Germania pendent.* C. II. §. 26.

(b) §. 2. X. Fl. Rattl. B. WGL.

exortam. Veniebant autem *Ingenuorum* nomine, qui alterutro saltim parente libero nati (*a*), dominicæ nullius potestati erant subiecti. Qua in re Jura nostra a reliquis Germanicis toto fere cœlo differebant, quippe quibus *Ingenuus* non habebatur, nisi qui ad tertiam usque generationem maiores ab utroque latere liberos probare posset (*b*). Hi sunt, quos leges, a libertate, qua fruebantur *Frâls Mân* (*c*), *Folkfrâls* (*d*), item *Frâls ok Fridhâtta* (*e*): ab indolis probitate *Thjôgn* (*f*): a sanguinis nulla servitutis labo infecti puritate, *Frâlsborne*, *Attborne*, *Attadhe*, & *Fullkynnaðhe* (*g*) passim adpellant. *Libertini* erant, qui e justa servitute manumissi quasi inter *ingenuos* & *servos*

B medii,

(*a*) *XIX. Fl.* 1. 2 § § *ÅB. UplL. II. Fl.* 4. §. *GB. WGL. cfr. infra* §. *VIII.*

(*b*) *DE SELCHOW I. c. Cap. I.* §. 3.

(*c*) Generalissime vox *Frâls* liberum designat hominem, sive *ingenuum* sive *libertinum*: Et in hoc sensu occurrit e. g. §. 9 *VI. Fl. Manh.B. UplL.* & 1. §. *XX. Fl. ÅB. ÖGL.* Specialiter vero & plerumque *Ingenuum* norat quatenus *libertino* opponitur, ut 2. §. *XIII. Fl. DrB. ÖGL.* & infinitis aliis locis

(*d*) *XII. Fl.* & 1. §. *XVII. Fl. DrB. ÖGL.*

(*e*) *XXIV. Fl. ÅB. ibd.*

(*f*) *VII. Fl. Mandr.B. WGL. cfr. IHRE in Gloss. T. II. p. 877. voce *Thégn*.*

(*g*) *Lib. VI. C. 3. 4. 8. SkL. 1. §. X. Fl. RætlB. VI. Fl. GB. IV. Fl. Saram.B. med vilja. IV. Fl. Saram.B. med vâða. II. Fl. Mandr.B. WCL & IV. Fl. Kópm.B. WestmL. ubi loco *Fullkymadhe*, quod in impressis habetur Codicibus, legendum esse *Fullkynnaðhe* a *Kyn*, genus, docet VERELIUS in *Indice Ling. Pet.* cfr. 1. §. *XVII. Fl. ÅB. ÖGL.* & IHRE *I. cit.* voce *Tiyr*. Adhiberi autem has voces non nisi de solis *Ingenuis* ex locis allatis facile colligitur.*

medii, adstrictiori utebantur libertate, dicti inde *Frálgifi-ni* (a) & *Frásingi* (b). *Servi* contra in ingenuorum proprietate operis mancipati vitam agebant. Et quemadmodum *liberis* hominibus constanter opponuntur, ita & generali classis suæ nomine *Ofrálfse* (c) & *Ofrálf folk* (d) in Jure vocantur; licet & alio respectu alias fortiantur. *denominationes*. Sic ex miseria suæ conditionis *Annö-dugh Hjon* (e); ex disciplinæ, qua coërceri solebant, se-veritate *Thrálar* (f); & ex jure denique proprietatis, quo ad dominum suum pertinebant, & pendente inde do-micili per perpetuitate *Hemuhion* (g) dicuntur. Notasse au-  
tein

(a) II. Fl. *Mandr.B.* *WGL.* Lib. VI. C. 5. *SkL.* §. §. 4. 5.  
II. Fl. *GB.* *WGL.* V. VI. Fl. *SaramB.* med vilja ibd.

(b) *IHRE* in *Gloss.* v. *Fráls*.

(c) XIX. Fl. *ÅB.* *UplL.* XXXIII. Fl. *ÅB.* *WestmL.*

(d) §. 9. VI. Fl. *Manb.B.* *UplL.*

(e) Derivatam esse vocem *Annödugb* ab Island. *Anaud*, quod omnis generis notat miseriā, docent *IHRE* & *VERELIUS* libb. cit. sub hac voce. Hinc & status servilis, tanquam ma-lorum omnium postremum, dicitur *Annödugx* *Stadb* XVII. XIX. XXI. Fl. *ÅB.* *ÖGL.* & *Annödugx* *dom* i. §. XVII. Fl. ibd. & Lib. VI. C. 8. 9. 11. *SkL.* Fallitur itaque *Ostærsson WEIJLE* dum in *Gloss.* *Jurid. Danico Norveg.* p. 45. allegato Jure Scanico, dicit *Anbtugdom er dom paa en Mands fred el-ler ære*.

(f) Originem vocis ab A.Saxon. *Tbrean* castigare, unde *Tbreale* disciplina ostendit *IHRE* l. c. voce *Trál*. Ulurpari-autem promiscue voces *Annödugb* & *Trál* de quoconque ser-vorum genere ex XVII & XXI. Fl. *DrB.* *ÖGL.* satis liquet. Neque III. Fl. *WadbamB.* ibd. in pr. licet nonnullis ita visum sit, hæc vocabula inter se contradistinguuntur.

(g) IX. Fl. *KirkB.* & 3. §. LIII. Fl. *Manb.B.* *UplL.* XXX. Fl. *ÅB.* & CV. Fl. *Manb.B.* *WestmL.* & locis aliis bene mul-

tem hoc loco juvabit, quamvis nemo fere sit, qui id ne-  
sciat, voces *Fråls* & *Ofråls*, quoties in antiquioribus mo-  
numentis hominibus adplicantur, personalem semper re-  
spicere libertatem, nec unquam nisi ad statum hominum  
liberum aut servilem indicandum adhiberi. Qua vero  
occasione in locum hujus vocum istarum significationis  
successerit, quæ hodienum obtinet, infra explicabitur.

### §. III.

Ut vero quæ de servis dicenda nobis veniunt, eo  
intelligantur distinctius, nonnulla quasi in transcurfu de  
ingenuis prælibanda videntur. Est autem in genere te-  
nendum, Ingenuorum libertatem, antiquiori ævo, etiam  
post ordinatam legibus rempublicam, cum jam adductius  
regnari cœpisset, tantam fuisse, quanta fere in civitate  
concipi potest maxima. Hi familiam & res suas suo re-  
gebant arbitrio. Hi exceptis bonis tantum dominalibus,  
*Upsala Öde*, prædia & agros, quæ cuique, aut occupatio-  
nis jure, aut alio legitimo titulo essent adquisita, pleno &  
illimitato fere dominio possidebant, ne quidem ad censum  
aliquem ex iis possessionis nomine præstandum obligati  
(a). Quod enim in rebus soli, barbara voce dici sivevit  
*dominium directum* nondum sibi vindicaverant Reges. Et  
cum singulis, quotquot essent ingenui, *jus competeret ar-*

B 2

*morum,*

---

tis: cfr. XXIV. *Fl. ByggdB. ÖGL.* in pr. & LUNDIUS in notis  
ad VERELII ind. p. 5. Sunt & aliæ servorum adpellationes,  
ut *Huuskall* vel *Huskarl*, *Husman*, *Ambat* vel *Ambot* & *Am-  
but*, quæ tamen postrema vox non nisi de ancillis adhibita  
occurrit. Sed has nominasse satis erit.

(a) BOTIN om *Sv. Hemman Del.* I. Cap, I. §. 4. pp. 15. 16.  
BENZELIUS de *Jure Censtico* §. 4.

*morum, belli privati, publicorum munierum, & Feudorum accipiendorum; præcipuum jus Comitiorum solis Allodiorum possessoribus, Odal-Bönder, Männer für Sich, erat reservatum, quorum itaque in administranda republica maximum erat momentum.* Hi namque exclusis cæteris, qui avitos ac proprios non habentes fundos, aut aulici officii vinculo, aut feudali nexu, Regibus erant obnoxii, aut ex contractu locationis conductionis alienos colebant agros, aut mercenariam aliis locabant operam, aut fellularium exercebant questum, ad sollemnes populi conventus vocati, præeuntibus suis Legiferis Reges eligebant, de bello, pace & foederibus in medium consulebant & ad legislatoriam potestatem exerceendam cum Rege concurrebant: ut adeo Ingenuorum iuribus nihil posset esse præstabilius. Sed in re satis nota, eius mentionem tractationis series extorsit, nobis non licet esse prolixioribus.

#### §. IV.

Pergimus itaque ad servorum conditionem enucleatius explicandam, quod ut ordine fiat, dispiciendum ante omnia erit, quot modis constituta fuerit servitus. Constat autem factos fuisse servos, prius, *spontanea deditio*, qua homo ingenuus ultroneo consensu potestati alterius herilis subjecit. Collocamus hunc modum principe loco, quod eum Nobil. WILDE (*a*) is omnium antiquissimus nobis videatur, reliquis, deprehensa successu temporis labores suos per alios & quidem proprios homines expediendi commoditate, sensim deinde invectis. Invaluisse olim moribus hanc in servitutem perpetuam semet dedendi  
conve-

---

(a) *Hist. Sv. Pragm. Cap. II. §. 14. pp. 73 74.*

confuetudinem, indubie colligitur ex legibus, quæ ad abrogandam eandem sequiori ævo latæ fuerunt (a). Duplarem vero frequentatam invenimus deditiæ, uerant unam, sciam alteram seu dolosam. Vera erat deditio, quando quis aut sua motus socrisia, aut dira compulsus egestate, atque ab omnibus destitutus vitæ sustentandæ præsidiis, sua sponte alterius se mancipavit dominio, operas illi pro alimentis præsūturus. Fingebant contra deditiæ, qui vel odio proprii sanguinis ducti, vel callidis iustorum heredipetarum artibus circumventi, alii quasi in servitatem se tradebant, quo sic translatis una in novum dominum suis bonis, omnem legitimis heredibus successionis spem præciderent. Exstitisse degeneres adeo homines liquet ex Jure Ostrogothico, quod non modo legem de se non dedendo, cum alia de bonis in fraudem heredum donatione non alienandis, conjungit (b); verum & mortuo aut occiso ejusmodi deditio, proximis confanguineis facultatem indulget, probata deditiæ falsitate & solutis impensis in sustentationem ejus factis, nisi reditibus ex bonis illius perceptis, compensatas eas esse constaret, relietam ab eo hereditatem adeundi (c). Et licet

B 3

ipsæ

(a) Classicus est locus 5. §. III. Fl. KörnB. UpL. Hovin angin vald at giva sik til Giäftråls: Angin ma ok annan til Giäftråls taka. Cui confona tere sunt quæ habentur III. Fl. KörnB. SudermL. & XI. Fl. ÅB. ÖGL.

(b) Vid. locum proxime citat.

(c) 2. §. XVII. Fl. DrB coll. cum §. 1. XII. Fl. ÅB. ibid. Unde simili patet ad præcavendas, quæ de præstatione impensum laboriri potuissent lites, annum victimum viri quatuor, feminæ vero tribus marcis fuisse aestimatam. De valore autem hujus estimationis ex iis judicari poterit, quæ ad sequentem §. IX. adnotabimur.

ipsæ hæ leges, quales ad nos pervenerunt, quod Sacra-  
mentalium in iis fiat mentio, post introductam Christia-  
nam religionem latæ videantur; quia tamen jura dolo  
nunquam adsistunt, fas erit concludere, sub ipso jam Eth-  
nicismo eo minus probatam fuisse hanc deditio[n]is speci-  
em, quo certius sit maximam eo ævo, cum ignota adhuc  
esset omnis testamenti factio, fuisse successionis heredita-  
riæ sanctitatem (a). Quin imo ex prisci Juris observan-  
tia, ad præcavendas hujus generis fraudes, comparata  
videtur legum providentia, ut ne iis quidem, qui ob de-  
crepitam senectam aut affectam chronico morbo valetu-  
dinem, stipulato sibi ad dies vitæ lautiori alimonio, se  
juxta cum bonis suis in alterius conferre vellent potesta-  
tem, ulla licita esset de ea re transactio, nisi denunciatis  
rite heredibus & proclamatione in judicio rite peracta, hi  
oblatum sibi cum hereditatis lucro alendi onus constan-  
ter detrectassent. Præbuisse enim deditios suis fraudi-  
bus ansam introducendis his cautelis vel ex inde confici-  
tur, quod qui hac ratione in alienam transibant familiam,  
dicti in Jure Gothicæ *Flatföringe*, *Flætföringe*, quod le-  
ctica & per aliena scamna circumferri semet paterentur  
(b), etjam *Giäfthräl* per contumeliam, & quia dolus haud  
raro hujusmodi contractibus suberat, adpellentur; conces-  
fa simul, omnibus quamvis a dediditio sollemnitatibus in  
contrahendo observatis, hereditatis, si qua detractis im-  
penfis

(a) Hinc TACITUS de *Mor. Germ.* Cap. 20. *Heredes suc-*  
*cessoresque sui cuique liberi, & nullum Testamentum. Si liberi*  
*non sunt, proximus gradus in possessione fratres, patru[m], avunculi.*

(b) *SkL Lib. II. Capp. 13. 14. 15. 16. cfr. fara a flæt.*  
2. §. VI. Fl. JB. WGL.

penfis reliquā effet, sanguine proximis, vindicatione (a). Cæterum hi *Flætföringe*, quos *Arrogatis* apud Romanos haud dissimiles dixeris, quia in alienam cecidissent potestatem, haud aliter, quam qui in tutela effent, considerabantur. Hinc nec bona, si qua post initum contractum hereditario aut alio quoenque jure ipsis obvenissent, administrare, nec tutelam gerere, nec in judicio comparere poterant. Ingenuitas tamen ipsis mansit illibata (b). Contra qui five vera five *filla deditio* voluntariam adibant servitutem omnibus excidebant ingenuorum juribus, nec alia re inter se differebant, quam quod *illorum* justa, *horum* dolosa effet servitus, & hæc quidem a heredibus, si id e re sua esse putarent, *liberalis cauſæ* *judicio* rescindenda.

### §. V.

Eam fuisse ante Odini adventum in Sviogothia nostra patriæ potestatis amplitudinem, ut omnibus promiscue

---

(a) *XII. Fl. AB ÖGL.* Legibus tamen Sveticis hæc in alienam potestatem se cum bonis suis dedendi licentia arctioribus limitibus, recentiori forsitan jure, circumscripta legitur *XXI. Fl. JB. Upl. XVII. Fl. JB. SudermL XLI. Fl. JB. WestmL XV. Fl. JB. HelsL*. Veterem autem morem, una cum voce ipsa *Flætföra*, quam tamen leviter inflexam pronunciarunt *Flækföra*, apud Gotlandos nondum penitus obsolevisse colligitur e *Göttheb. Magazin* p. 399.

(b) Vid. loca citata. Paria Gothicis hac in re fuere Danorum Jura. Conferri itaque merentur *Judske Law Lib. I. Cap. 32.* & quod cum Scanico convenit *Jus Seland. Walde-mari I. Lib. I. Capp. 21. 23.* apud P. K. ANCHER in Hist. Juris Danici, *Dansk Lov-Histor. I. D. p. 550. seqq.* & OSTERSSON lib. cit. voce *Flætföring*. De hujus vocis origine consultatur VERELII index sub voce *Flæt* p. 73.

scue ingenuis liberorum suorum permissa esset expositio; nec ad truculentissimum tollendum morem plus valuisse Odini auctoritatem, quam ut ad pauperes & egenos, quorum facultates alendae numerose proli pares non essent, restricta in posterum intelligeretur infana illa in propria viscera saeviendi licentia, ex historia satis constat (*a*). Demonstrant quoque *Jus Ecclesiasticum Vicensium* (*b*) circa initia saeculi XI. aut initia sequentis latum, quo monstruos partus exponendus jubetur, & coævum fere huic *Jus Gotlandicum provinciale* (*c*) quo omnis prohibetur expositio, ne cum introducto quidem Christianismo mox desisse barbaram illam crudelitatem. Cum autem explorati juris sit, quibus licet quod magis est non posse non licere quod est minus, sequitur inde, saltim impune olim fuisse ingenuis proprios liberos, si ita ipsis videretur, servos in domo sua detinere. Rariora tamen & forte rarissima in legitimis liberis existisse hujus immanitatis exempla, multa sunt, quæ credere nos jubent. Qui enim fieri potuisset, ut qui ipsis effusissimo in libertatem amore ferebantur; quibus is fuit servorum contemtus, ut ne post hanc quidem vitam eodem cum illis cœlo concludi vellet (*d*); & quibus denique summum habebatur dedecus,

pro-

(*a*) WILDE *I. c. Cap. II.* §. 16. p. 87. *cfr. SUHM om Odin pp. 375. 379.*

(*b*) *Cap. I* vid. *Dissert. M. O. BERONII*, Upsaliæ a. 1761. editam, qua quinque fere prima hujus Juris Capp. cum versione lat. FINNAEI & notis Criticis exhibentur.

(*c*) *Cap. II.* §. 1.

(*d*) Communis erat opinio, servorum apimas post mortem in Thoronis aulam migraturas, nec illis, ne eadem cum Ingenuis beatitudine fruerentur, aditum ad Walhallam Odini

propinquum, quem servum scires non redemisse, ut inquam in illa gente quis legitimo filio tanquam servo ute-  
retur. Saltim nonnisi in pauperrimos, aut quorum pro-  
fligatissimi essent mores, cadere illa poterat atrocitas, cuius  
proinde nec ulla in legibus occurrunt vestigia (*a*). Fuis-  
se tamen inventos, qui liberos extra matrimonium suscep-  
tos & cognatos, quibus in potestate ac tutela eorum  
quoquo modo esse contigit, ad serviendum adegerint, clare  
satis ostendunt leges, quibus ingenuo, qui ex propria ser-  
va filium procreasset, aut ex aliena procreatum vindicas-  
set, ii enim jure ad libertatem nati erant, fratri item fra-  
trem & sorori fororem, servituti mancipatos detinere pro-  
hibetur (*b*). Alterum igitur servitutis constituendae mo-  
dum statuere nobis licebit, liberi capitis, ab iis in quo-  
rum potestate erat, ad serviendum *coactionem*.

## §. VI.

Constitutam tertio novimus servitutem *emtione vendi-  
tione*, quando quis liberum hominem venum expositum,  
pecunia sua servum sibi adquirebat. Quousque credibile

C sit

---

patere, vid. SUHM I. cit. pag. 155. cfr. Gotbr. & Rolf. Histor.  
Capp. I. II. pp. 9. 11.

(*a*) Ex allegato *XXV. Fl. GB. OGL* probare quidem  
nifus est VERELIUS in *Not. ad Hist. Gotbr.* p. 21. patres fa-  
milias etiam legitimos suos liberos servos fecisse. Sed cum  
nulla ibi fiat ejus rei mentio, evidens quidem est errore scriptio-  
nis istum excitatum fuisse locum & intendisse Cl. Virum  
mentem ad *XXV. Fl. AB. ibd.* Neque tamen hic de legitimi-  
mis agi liberis, sed tantum de illegitimis, ex ipsis verbis eo-  
rumque contextu manifestissimum est.

(*b*) Vid. cit. nuper locum *XXV. Fl. AB. OGL*. & *XIV.*  
*Fl. ibidem.*

sit parentes filios ex justo matrimonio natos, quamvis iure facere illud potuissent, venales habuisse, ex iis quæ §. præced. dicta sunt fortassis poterit judicari. Ex illegitimo autem concubitu suscepitos, ut & fratres a fratribus ac sorores a sororibus venditos leges innuunt (*a*). Et si parciora, quod sperare convenit, etiam hujus venditionis existiterint exempla; frequentior sine dubio erat turpisimus, quem *Plagiarii*, ingenuis hominibus raptu aut furto subtractis, circumcirca exercebant mancipiorum mercatus. Etenim vulgatissimum fuisse plagi crimen, & quia quæstuosum esset, altas in gente nostra egisse radices, vel exinde patet, quod cum adulto jam Christianismo de medela eidem adferenda cogitari cœpisset, non mitior quam quæ in homicidas statuta erat **XL.** mæcarum mulæta coercendis plagiariis sufficere videretur (*b*). Neque tamen nostratibus solis hæc exprobanda venit barbaries. Nam & apud cognatas cæteras gentes eandem hoc ævo fuisse plagiatorum licentiam, leges illarum commonstrant, quippe quæ hand fecus ac nostræ, plagium in ingenuos admissum pari ac cædem eorundem poena persequantur (*c*).

### §. VII.

Quarto, in pænam delictorum & præcipue commissi  
furti

(*a*) 2. §. *XXV.* *Fl. AB* ÖGL.

(*b*) *III. Fl. KopmB. UpL III. Fl. KopmB. SudermL V.*  
*Fl. KopmB. WestmL I. §. XXX Fl. WadawB. ÖGL.*

(*c*) Vid. *Leg. Wisig. Lib VII Tit. III l. 3.* apud P. GEORGISCH in *Corp. Juris Germ. Ant.* p. 2020. *Leg. Alav. T. XLVI* 2. & *T. XLVII* 2. coll. cum *T. LXXXVIII* 1. 2. 3. *ibid.* pp. 216. 217. 226. *Leg. Angl. & Wer.* *T. VII.* 1. 5. *ibid.* p. 450.

furti in servitutem *Judicis sententia* addicebantur liberi homines, quoties non haberent unde actori satisfacerent & mulctam legi statutam solverent. Supereft notable ejus rei vestigium in *Jure Ostrogothico*, quo edicitur nuptiam feminam, vel solutam cui legitimus effet Tutor intra præfecturam & Legiferatum, furti tertium convictam, si mulctam pro ea solvere nolle maritus vel tutor, actori in servitutem esse tradendam: illam vero quæ tutorem non haberet, nec ipsa solvendo effet, etjamfi prima vice furtum patrasset, mox ad servitia vel actori, vel Procuratori Fisci *Konungs Söknare*, vel Judici territorii præstanta, esse condemnandam, quia furtum libertatis suæ fecisset (a). Et licet STIERNHÖKIUS, eo quod nulla de *servis pœnæ* in Legibus Sveticis fiat mentio, singulare hoc existimaverit fuisse privilegium, feminis jure Gothicæ, quod semper vitæ earum parceret, concessum (b); hæc tamen adsercio non nisi de noviori jure erit intelligenda. Antiquiori namque ævo non mares minus quam feminas eandem in in cauissimis furti, quoties in ære mulctam luere non possent, mansisse servitutem indubium videtur. Notissimum est adeo a pœnis capitalibus abhoruisse olim nostrates, ut patricidium etiam ipsum pecunia voluerint expiandum (c). Et quamvis manifestum sit furtum gravissimo apud ipsos odio habita, ut & leges horrenda magis, quam de quibus infligendis cogitarunt, supplicia furibus nonnunquam interminatas videre liceat (d); legibus ta-

(a) XXXV. &amp; XXXVII. Fl. Wadamb. ÖGL.

(b) Lib. cit. pp. 204. 205.

(c) 4. §. XIII. Fl. ManbB. UpL cfr. 3. §. XXXI. Fl. ibd.

(d) III. Fl. ThB. WGL. ubi furum absterrendorum causa variae cumulantur pœnæ, &amp; in iis, furem in pice liquida

men ipsis contradiceret, qui negaret fuisse actori jus qualisunque lytri pro capite furis recipiendi, debita modo mulctæ portione fisco exsoluta (*a*). Rebus autem sic comparatis, quin saepius accideret, ut actor surem servum sibi addieci quam vita privari mallet, ambigi tanto minus potest, quo certius compertum habemus, non im- placabiles perdurasse Majores, quoties indemnitas lenio- ri via consequendæ spes aliqua adfulgeret. Saltim leges *Scanicæ* (*b*) ubi surem servituti mancipandum jubent, nul- lum admittunt sexus differen-  
tia. Hinc cum loca supra adlata, a Rege MAGNO BIRGERI filio Juri Ostrogothico legantur inserta, videtur id factum ad temperandum so- lummodo ex antiqui Juris observantia, in gratiam sequi- oris sexus, rigorem legis *Westrogothicæ*, qua paullo ante vel idem Rex MAGNUS vel Pater Ejus BIRGERUS Dux jus illud optionis, quod actori olim erat permisum, utrum ad mulctandum an ad capite plectendum surem a- gere mallet, ad surta restrinxit, quæ dimidiæ marçæ pre- tium non æquarent (*c*). Quod vero Jura *Svecica*, qua-

---

*comburendum*, quod tamen an usu unquam' venerit merito dubitatur. Vid. LOCCENII not. ad h. l. versioni Latinæ Codi- cis harum legum adjectas.

(*a*) I. §. XXXVIII *Fl. MankB. UpL. III Fl. ThB. Su- dermL. LXXIV. Fl. MankB. WestmL.* I. §. XXVIII. *Fl. MankB. HelfL.*

(*b*) *Lib. VI. C. 9. Lib. VII. C. 15.*

(*c*) §. §. I. 7. II. *Fl. ThB. WFL.* Fuisse hanc legem veteri Juri contrariam vel inde adparet, quod licet hic, iis, qui plenum farem ad pecuniariam compositionem admitterent ter novem Marc. mulcta esset præfinita, saepius tamen prævale- ret Jus antiquum: qua propter & in conventu Upsaliensi a. 1344. necessarium judicatum est hanc actorum licentiam, pro-

lia ex recentissima emendatione BIRGERI MAGNI filii & MAGNI ERICI filii Regum ad nos pervenerunt, sarem in easu deficientis mulctæ servituti mancipandum non jubebant, ejus rei satis evidens in eo sita est ratio, quod postrema eorum compilatio in illud incidit tempus, quo jam in desuetudinem abire coepit servitus, aut saltim ita oblanguerat pristina ejus durities, ut viris poenæ loco amplius esse non posset. Quamobrem nec ullum inde argumentum ad negandum proniscuum tam qua viros quam feminas servitutis poenalis in patria usum poterit excuspi (a). Debitores, qui ære alieno exire non possent, invitatos ad servitia, quoad expunxissent nomen, suis raptos, legibus quidem non est proditum, forte quod rarissima essent in foro de caussis mutui litigia. Cum tamen illud in finitima Germania usu venisse certum sit: exempla quoque adsint, creditores sequiori etiam ævo ius suum in ipso cadavere defuncti debitoris suis persecutos (b): affirmativa sententia, ut æquior, ita probabilior videtur. Quin enim recentius institutum sit, & illud municipaliter quidem jure inventum, morosos debitores donec solvissent in carcere esse detinendos (c), dubitari vix potest. Antiquo namque Juri publica vincula plane sunt incognita.

### §. VIII.

In servitutem detrudebantur, quinto, *bello capti*. Scilicet per invasum fuit antiquioribus in eum, hostis qui fuisse,

C 3

set,

posita graviori XL marc. mulcta coercere. v. Edid. Ups. §. 23, apud HADORPH. in Adp. ad LL Birg. p. 18.

(a) Cfr. WILDE l. c. pp. 74-75.

(b) LAGERBRING lib. cit. D II pp. 711, 712.

(c) Gottl. StL Lib. I. C. XVI. BiörkR. Cap. XXXIV.

set, omnia licere in infinitum. Cum tamen inhumanum videretur & atrox vitam adimere, quibus resistendi & nocendi facultas jam erat ademta, servituti eos mancipabant. Quo autem glorioius nostratis habebatur inter arma aetatem agere, & quoties a publico bello requies esset, piraticam privatis ausibus exercere; eo quoque magis haec ipsis arrisit Philosophia. Plena adeo manu testimonia ejus rei suppeditat historia, ut probationibus allegandis tuto supersedere possumus. Id unum observabimus, vi-  
sum quidem fuisse Cl. VERELIO (a) silere plane leges de  
hoc servitutis constituendae modo; at occurrere tamen in  
illis nonnulla, quae eundem moribus receptum haud ob-  
scure indigitant. Saltim huc spectant, quae de reluitione  
civium a praedonibus in captivitatem abductorum & quid  
in iis casibus conjugi vel propinquis superstribus in bona ab-  
sentis propria diceret, constituta leguntur (b). Eo etiam per-  
tinent, quae de praestanda integra homicidii aestimatione, si  
ingenuum bello captum & deinde in patriam reiectum ac  
in servitutem venditum occidi contingeret, *Jure Scanico* ha-  
bentur (c). Quemadmodum enim haec luculenter satis ar-  
guunt nostrates a vicinarum gentium piratis captos manci-  
piorum loco habitos; ita ex generali retorsionis lege *Thylik*  
*Lagh ok rått, sum utlansk män göra oss, Thylikän viljum*  
*vir them göra* (d) exactissime a nostratis servata, nullo  
negotio intelligitur, eos suorum servitutem servitute ab  
hoste captis vicissim imposita retaliasse.

§. IX.

(a) in *Nat. ad Hift. Gotbr.* p. 21.

(b) 2. §. XIV. Fl. GB. ÖGL. GottlL. C. XXVIII. §. §. 13-19.

(c) Lib. VI. C. 8. quem locum subobscurum illustrant  
IHRE in Gl. voce *Annödig*, & P. K. ANCHÆS *Dansk Lov-Hift.*  
I. D. pp. 416. 417. in notis.

(d) 2. §. XII. Fl. TbB. WGE.

## §. IX.

Sexto denique & ultimo *nascabantur* servi ex servis & ancillis. Nullibi fere quam in haec doctrina majorem peperit confusionem inconsulta principiorum Romani præfertim ac Germanici Juris ad domestica instituta applicatio. Notum est apud Romanos ad extrema liberæ reipublicæ tempora, ingenuorum nulla, ne quidem cum libertinis, multo minus cum servabus fuisse connubia. Et quamvis AUGUSTUS, ut Senatorii ordinis dignitati consuleret, evileseente jam ingenuorum ordine, & quod in illo mænuli seminarum numerum longe superarent, licita pronunciaret ac legitima horum cum libertinis matrimonia (a), stetit tamen Juris veteris auctoritas, qua nullæ cum servis consistere poterant nuptiæ. Quia vero illicitæ ingenuorum utriusque sexus cum mancipiis conjunctiones nullam fecum serebant ingennitatis diminutionem, generaliter valebat regula, *partum ventrum sequi* debere, ut cuius conditionis esset mater, ejusdem quoque proles, quoctunque demum patre sive ingenuo sive servo nata. Post, ubi emolliitis luxu animis vitiorum contagio civitatem invasit & ultra etroque debacchari cœpisset mulieribus Ebido, Senatus Confulto Claudio ediccebatur ingenuos quæ honestatis suæ oblitæ, scientes servilibus se se subdidissent contuberniis libertate, post trinam denunciationem, multandas, earumque prolem pro libertis habendum (b). Et cum in haec poena non satis esset efficaciæ

ad

(a) DIO CASSIUS Lib. LIV. p. 531.

(b) TACITUS Annal. Lib. XII C. 53. ad quem locum, cum de vera ejus lectione non a Criticis minus quam ictis gravissimæ mortæ sint lites conferendus omnino erit Cod. Theod. ad S. C. Claud. &amp; ibi GOTHOFR. Comment.

ad lubricum sexum a servorum amplexibus retrahendum, cum servitute matrum filiorum etiam servitutem conjungendam VALENTINIANUS censuit (a). Atque hoc fere jure in orbe Romano vivebatur, cum erumpentes e suis sylvis Germanicæ gentes ditiones Imperii invaserant, suaque in Hispania, Italia & Gallia condere cœperant regna. Quos apud Barbaros, cum haud vilis esset legum Romanarum auctoritas; Ipsorum quoque, quippe qui jam olim generis & nobilitatis suæ providentissimam habebant curam, moribus adprime convenienter, quæ de sanguinis ingenuitate servilibus consortiis haud facile contaminanda hujus gentis scita erant institutis; factum inde est, ut eadem non modo avide arriperent, sed & exasperata, novo ac inaudito in veteri ac libera Germania exemplo, legibus suis infercirent. Sic Wisigothi, qui Barbarorum primi vergente ultra medium saeculo quinto Juri scribendo operam dederunt, ingenuas, quæ propriis se junxissent servis, una cum iis igne concremandas; quæ vero alienis, nisi ter centenis unaquaque vice ictibus flagellatae separari & in parentum potestate manere vellent, amasiorum suorum dominis in servitutem addicebant (b). *Burgundiones* (c), *Longobardi* (d), & *Alamanni*:

(a) *Cod. Theod.* ad *SCTum Claud.* l. 6, quam A. C. 366. latam GOTHOFR ibd. est observatum.

(b) *Leg. Wisig.* Lib. III. Tit. II. l. 2. 3. GEORGISCH pp. 1923 - 1925,

(c) *Leg. Burgund* T. XXXV. l. 2 ibd. p. 363.

(d) *Leg. Longob* ROTHARIS 193. & 212. LINTPR. Lib. V. l. 6. LOTHAR. I. l. 72. ibd. pp. 979. 985. Notandum autem, ingenuarum cum servis contubernia in hac gente, similiter ac apud Burgundiones & Saxones, capitalia primum fuisse habita, ceu loca allata satis id demonstrant & de Saxonibus te-

manni (a) pariter illas; Franci (b) vero, *Ripuarii* (c) & *Ostrogothi* (d) etiam ingenuos, privatorum servas fecutos libertate multabant. Et quantumvis quoad ingenuos variarent horum populorum jura; nonnulla etiam alicubi quoad ancillas Regias & Ecclesiasticas admitteretur differentia (e); nihilominus omnes ad unum in eo conspirabant, quod liberi e tali contubernio nati, servitatis nexu essent adstringendi, eos enim deterioris semper partis conditionem sequi voluerunt. Sustulit quidem SCtum Claudianum *Justinianus*, revocato in usum veteri Jure, quo liberarum seminarum cum servis conjunctiones, ut ipsarum, ita nec prolis ingenuitati nocebant (f): at prout notum est, restaurati hujus Juris, si Illyricum exceperis & Exarchatus Ravennatensis ditionem, nulla fere eo aëvo in cæteris Occidentis regioaibus fuit auditoritas (g), quippe que, sicuti Romano Jure uti licebat, Codici potissimum adhaerebant *Theodosiano*, e quo & illa, quorum mentionem fecimus instituta, in Barbarorum leges suo modo jam erant translata. Ad mitigandam itaque inhumanam harum severitatem, nullum omnino effectum exse-

## D

rere

---

statur Adam. Brem. Hist. Ecel. Lib. I. C. 5. at deferuisse paullatim hanc severitatem & solam tandem servitutis peccatum remansisse.

(a) Leg. Alam. T. XVIII. ubi tamen ingenuæ peccitendi locus per triennium indulgetur. GEORGISCH p. 204.

(b) Leg. Sal. Tit. XIV. I. 7. II. & Capit. III. Ludov. Pii de a. 819. ibd. pp. 37. 348.

(c) Leg. Ripuar. Tit. LVIII. I. 15. 16. 18. ibd. p. 171.

(d) Edict. Theoder. C. 64. 65. 66. ibd. p. 2219. seqq.

(e) Leg. Ripuar. I. cit. I. 14.

(f) L. unic. Cod. de SC. Claud. tollendo.

(g) GRAVINE Orig. Lib. I. Cap. 139. p. 102.

re potuit Jus Justinianeum. Potius, cum omni ferē rustica gente jure belli in servitutem detrusa, Optimatum hoc ævo splendor atque potentia in immensum crescere cœpisset: eorumque ad superioritatem suam tuendam valde interesset, ne in matrimonii contrahendis quisquam sui ordinis transiret terminos; facile est ad intelligendum qui factum sit, ut adoptata semel principia de ingenuis utriusque sexus, qui servilia elegissent contubernia, & liberis ex matrimonio vere inæquali natis in servitutem rapiendis, profundissimas per Germaniam egerint radices. Inde omnino in *Jus Gallicum* manavit, quæ hodieque qua partem valet regula: *En formariage le pire emporte le bon*; in matrimonio inæquali & contra leges inito vincere quod deterius est latus. Inde quoque vulgatissimum profluxit Juris Germanici axioma: *Das kind folget der ärgern Hand* (a) h. e. prolem deteriorem semper conditionem sequi debere. Nostrates contra ut longius a Romanorum commercio erant remoti, ita & difficilius ad imitanda illorum instituta poterant adduci. Saltim nulla, quæ adtendi mereatur, legum ejus gentis ad nos pertigit notitia ante saeculum XIII. cum jam caput extulisset mitior in servos Jurisprudentia Justiniane. Neque apud nos existabant, quæ in Germania augendo servitutis rigori & multiplicandis ejusdem constituendæ modis favebant rationes. Avita gentis nulla unquam bellica vi perditæ libertas: Ingenuorum quotquot terras possiderent, ad legum lationem concursus: Fundorum inter cives non multum infra æqualitatem divisio: Vivendi ratio simplex ac tenuis a luxu & voluptatibus abducta: Feuda

(a) PUTTER *Elem. Jur. Germ.* pr. bod. Göttingæ 1776. §. 384. Cfr. HEINECII *Antiqq. German.* Lib. II. C. VIII. §. 13.

da & numero non multa & ad arbitrium imperantis re-vocabilia: hæc inquam omnia effecerant ut hic majus quam alibi uspiam naturali hominum æqualitati statuere-tur pretium, utque adeo conculcare illam potentiori-bus haud facile succederet. Hinc neque fieri aliter potuit, quam ut a receptis in Germania Juris principiis no-strates quam longissime dissiderent. Non est ut quisquam fibi persuadeat inæqualia matrimonia nostratis admo-dum fuisse probata. Saltim ingenuæ feminæ cum servo coniunctionem graviter eos tulisse satis indicat loquendi formula, qua servilem thorum ingressa *retrograda familia sua exire*, *Ganger avogh uth af ött finne*, dicebatur (a), quodque iis non alia a parentibus deberetur dotis quan-titas, quam quæ vernis e domo elocatis dari solebat (b). Hujus autem quidquid esset, humanitati nihilominus suæ incongruum judicabant, cœcos & infaustos amores, quo-rum in sua turpirudine parata videbatur pœna, libertatis tanquam rei inæstimabilis dispendio vindicare. Tantum igitur aberat, ut ingenuum quæ servam uxorem duxis-set aliquam inde pati vellent capitis diminutionem (c), ut ne quidem ingenuam, quæ servo succubuisset, ullam ea re pristinæ libertatis jaæturam fecisse putarent (d). Qua

D 2

in

(a) XXIX. Fl. ÅB. *WeßmL.* 2 §. XIX. Fl. ÅB. *UpL.*  
Ita quidem vertunt hanc Phrasin VERELIUS in *ind.* & IHRE in  
*Gl.* ac si ingenuam quæ servo nupsisset in servitutem detru-fam innueret. Sed adversam esse Juri nostro hanc interpre-tationem ex ipso contextu & collatione locorum XXII. Fl.  
ÅB. *UpL.* in *pr.* & III. Fl. ÅB. *SudermL.* §. 2. facile evincitur.

(b) I. §. XIX. Fl. GB. ÖGL.

(c) I. §. XIX. Fl. ÅB. *UpL.*

(d) XXIX. Fl. GB. ÖGL. III. Fl. ÅB. *SudermL.*

in causa id erat singulare, in gratiam non minus sexus quam libertatis introductum, quod cum in priori causa serva etiam aliena, consentiente modo domino in thalamum adlecta, ingenuitatem mariti adipisceretur; in posteriori contra ingenua de squalido conjugis sui statu nihil omnino participaret. Quin imo si personas disparis conditionis furtivo concubitu misceri contigisset nullum ex illa culpa ingenuitati periculum imminebat (a). Quo autem cum parentibus inaequaliter nuptis mitius agebant, eo ipsis visum est iniquius in innocentem saevire prolem. Hinc nullo admisso differimine, utrum ex legitimo matrimonio an illicita consuetudine personarum diversae conditionis procreata esset soboles, melioris lateris conditionem eam sequi debere statuebant. Scilicet *Gangin barn a båträ halvo: Fylghin thåm fråls år, sollemnisi erat Juris regula* (b) nullis

(a) Vid. l. cit.

(b) §. 1. 2. XIX. Fl. ÅB. UpL. III. Fl. ÅB. SudermL. XXIX. Fl. GB. OGL. §. 7. GB. Dall. Non itaque audiendus nobis videtur ANDREAS SUNONIS, qui in versione Latina *Juris Scaniei*, referente HEINECCIO conditam fuisse narrat in Scania legem, ut *matris conditionem semper sequeretur partus*, quod ex eodem adfirmat etiam ANCHER lib. cit. p. 412. Nam cum tale quidquam in Codd. Legg. Scan. sive MSC. sive impressis nullibi constitutum reperiatur: nec ullo praeterea idoneo arguento demonstrari possit fuisse illam regulam in Sviogothia receptam, nascitur potius inde suspicio ANDREAM SUNONIS, qui non tam versionem, quam paraphrasin dedit laudati Juris, aut ex suo ingenio, ad explicandam qualis libri finxit vindicationem prolis a serva suscepit, de qua mox dicemos, hoc ipsum addidisse, aut Canonem vel e Jure Romano vel Danico forte mutuatum ad Scanica instituta imprudenter applicuisse. Nisi tamen dicere velis ex canone illo, quamdiu Danice Regno subjecti essent Scani, jus apud illos

nullis eludenda exceptionibus. Eo solum a legitime natis differebant spurii, quod hi a patre sollemniter recognoscendi & in judicio proclamandi essent, ne ulla ius in posterum moveri posset status controversia; quodque si ex aliena serva essent suscepiti, eorum a domino ancillæ redditumorum necessitas patri incumberet. Luitionis vero hujus, quemadmodum nulla alia fuit causa, nec finis alius, quam ut indemnus præstaretur, ad quem dominum ventris pertinebat, non modo ob operas a matre grava-  
da partim, partim puerperio decumbente, vel perfectas segnius vel penitus intermissas, sed & ob impensas in alimenta tenelli infantis, quamdiu in sua mansisset domo factas; ita & quamvis *jus detentionis* eidem, quoad sibi satisfactum esset, leges concederent, cuivis rem probe pensitanti facile patet, frustra inde ad servilem statum ipsa nascendi forte soboli inductum, concludi. Vindicatio qualis spuriorum fuit, præsupponebat, non vero conferebat libertatem. Is nimirum, nec aliis ullis ejus fuit effectus, ut cessaret, quod in infante, suspensa interim minime autem exstincta ejus ingennitate, domino matris competebat *jus pignoris taciti* ad indemnitatem consequendam. Hinc si mox post partum fieret vindicatio, operarum tantum damnum præstandum erat. Si longius illa differetur, crescebat ex mora luitionis quantitas, & quidem pro ratione temporis, quo curam infantis agere coacta fuerat mater. Ne autem domino in eius potestate erat, ulla daretur cavillandi occasio, æstimatio ejus lege fuit definita pro annuo vieti duabus, pro sexennali **xii.**

---

suisse redditum. Tum vero peregrini hoc erit Juris recentius investi, adeoque cum genuino & veteri Scanico minime confundendum.

oris. Et licet elapsō ultra sexennium noctiduo integrum præstandum esset servi pretium, neque tamen inde ad veram prolis servitutem ulla valet conclusio. Nam præterquam quod ex adlatiſ idonea fatis ejus rei reddi potest ratio; id etiam præstituta ad hunc terminum lytri quantitate, quæ plenam æquaret servi æstimationem, intendisse videntur leges, ut compellerentur parentes ad vindicandam prius sobolem, quam a diuturniori cum servis convictu servilibus imbuta moribus, inemendabilem contraxisset animi pravitatem. Saltim æquius hoc erit credere, quam ut contra manifestissimam simulac universalissimam juris rationem, qua alterutro parente libero nati, etiam ipsi liberi censemantur, & evidentissimos textus, qui nullam, quæ libertati prolis noceret, præscriptionem agnoscunt (*a*), cum STIERNHÖÖKIO ipsa nativitate eos in servitutem lapsos ideoque redimendos (*b*); aut cum VERELIO præscriptam septennio servitutem (*c*) comminisci opus sit. Patefit autem hinc, quod in principio monuimus, non alios apud nostrates natos fuisse servos, quam qui utroque parente servilis conditionis, vel saltim incerto patre, quem quia cum serva rem habuisset, servum, contrario non probato, præsumi oportebat, essent progeniti (*d*). Quocirca & id notatu dignum, non suffecisse ad mancipandam servituti prolem, parentes fuisse servos, nisi & ipsis adhuc vivis

(*a*) XIV. Fl. ÅB. & 1. §. XXX. Fl. Wadhami B. ÖGL, coll. cum XX. Fl. ÅB. UpL. & III. Fl. ÅB. Suderm. L.

(*b*) Lib. cit. p. 206.

(*c*) In not. ad Hist. Gotbr. p. 21.

(*d*) XIX. Fl. ÅB. UpL. XV. XXV. & XXVI. Fl. ÅB. ÖGL. Consentientes quoque hac in re habemus VERELIUM I. c. & LOCCENIUM in in Synops. Jur. priv. Edit. III. p. 14.

vis de eo constitisset. Etenim si nemine interpellante, per dies vitæ pro liberis se gessissent, non licebat cuiquam superstitibus filiis status quæstionem intendere, quippe quibus præscripta erat libertas (a). Præter recensitos autem hactenus servitutis constituendæ modos, alios in nostra gente vel legibus proditos vel moribus frequentatores non constat. Nuspiam in veteri historia legimus, fuisse apud nos, quod forte apud alias Germanos, aleæ jactu de libertate decertatum (b): nec cujus in recentiori etiam Germania obvia sunt exempla, propositam ei servitutem, qui ob injuriam alteri illatam ad singularem provocatus pugnam, inferior inde discessisset (c). Ne improbos quidem mendicos aut vagabundos, quamvis coercendos & ad mercenariam aliis operam locandam adigendos recte judicarent Majores (d), invitatos ad servitia raptos novimus: multo minus, quemquam nuda habitatione, quod adhuc dum aliis nonnullis in regionibus obtinet (e), in servitutem incidisse. Ut proinde summo gloriari possimus jure, majorem in nostra, quam ulla fere alia Europæa gente, sub ipsis etiam paganisnii tenebris fuisse connatae singulis hominibus libertatis favorem.

## §. X.

(a) VII. Cap. GB. DalL.

(b) TACITUS de mor. Germ. C. 24.

(c) Vid. Diploma LUDOV. BAVARI de a 1336. apud HEINCIUM I. c. §. 9.

(d) 4. §. XI. Fl. WiderbB. UpL. 8. §. XII. Fl. FornB. WGL.

(e) Vid. DU FRESNE in Gloss. Med. & Inf Lat. voc. Attractus & Wildfangiatus. Huc spectat proverbium *Die lustt macht Eigen.*

## §. X.

Non autem eodem loco omnes habiti sunt servi. Quamobrem de variis eorum generibus, variaque aestimatione jam erit dicendum. Multiplex sane servorum in Jure nostro occurrit discrimen, quod tamen ad tria commode revocari poterit capita, quatenus scilicet vel ratione originis, vel dominorum, vel munerum inter se differant. Ex antecedentibus patet, eos, qua suam originem fuisse vel *Deditios Giäfthrålar*; vel *invitos, Thrålar*, quorum sub nomine comprehendimus omnes, qui nec sua sponte, nec nativitate, sed alio quocunque modo servi erant facti, vel denique *Vernas* a servis & ancillis ad serviendum natos, masculina terminatione *Fostre*, feminina *Fosfra* in legibus appellatos. Hi quod domi nati & educati, domesticis in primis negotiis dextre & fideliter expediendis, a teneris essent ad vesacti, laetiori praे reliquis conditione serviebant, octo integris argenti selibris aestimati (a). Illi antiquitus binis oris aureis, vel duabus marcis argenti puri (b); noviori vero tempore tribus

(a) *XVI. Fl. DrB. ÖGL.* in pr. coll. cum *IX. Fl. ibid. in pr.*

(b) *XX. Fl. ÅB. WGL* unde simul, observante LUNDIO in *not ad LL. Upl. p. 156.* proportionem auri ad argentum octuplam hoc ævo in patria fuisse patet. Quod vero *ibd. p. 157.* dicit Celeb. Auctor ante conditam hanc legem singulos servos singulis venisse marcis, eoque pretio in libertatem redentos, quo fundamento nitatur, ignoramus. Cæterum ab antiquo hoc jure Westrog. vix dissentit *Jus Gottl. Cap. XV. §. 2.* quo pretium servi quatuor marcis & dimidia pecuniae numeratae definitur. Cfr. *Jus Seland. Lib. III. C. XII.* apud ANCHER l. c. p. 590.

bus marcis venabant (*a*), ita tamen, ut dominis carius aliquando, & quidem ad quatuor usque marcas, si illud meruissent, pretium statuere iisdem liceret (*b*). *Istorum* quod sua aut fraude, aut ignavia in servitutem lapsi essent, abjectissima fuit conditio. Hinc & contra quam *in-viti* duplo minoris æstimati leguntur. Horum namque expienda erat cædes tribus felibris argenti puri adpensi, *Tre marker vågna*, quæ circa tempora latæ hujus legis, sex marcas monetæ usualis, *marker penningar*, aut tres marcas panni levidensis, *marker Wadhmal*, duodecim ulnis in singulos octantes, *dre*, computatis, aut quatuor boves per triennium jugo adsvetos, vel totidem vaccas triplicem enixas fetum, pretio æquabant (*c*). Atque hoc eodem censu veniebant etjam *Servi pœnæ* (*d*); nisi quod *Jure Scanico*, si ad perpetuas operas in prædiis regalibus præstandas fuissent condemnati, Regis arbitrio esset relictum, qua mulcta cædem eorum piandam vellet (*e*). *Dedititium* contra si occidi contigit, trium tantummodo marcarum pecuniae numeratæ, seu quod idem est unius cum diuidia argenti puri felibræ compositio obtinebat (*f*).

E Ob-

(*a*) XIV. Fl. AB. & 4. §. XXXII. Fl. WadbamB. ÖGL.  
item Lib. VI. C. 1. 3. SkL.

(*b*) XIV. Fl. MandrB. WGL.

(*c*) 1. §. XVI. Fl. & XXI. Fl. DrB. coll. cum 1. §.  
XVII. Fl. AB. ÖGL.

(*d*) XXXVII. Fl. WadbamB in pr. ubi de femina, ob furtum in servitutem addicta, *ok vari bana Ambet, tber til at ban fa threja marker fri bana.*

(*e*) Lib. VI. Cap. 9

(*f*) 2. §. XVII. Fl. DrB. ÖGL. *Nu värder Giäfträl dräpin, ban är gilder at tbrim markum taldu. Si vero scire quis aveat, quam hæc pretia ad valorem monetæ hodiernæ*

Observes vero, quæ hactenus adduximus servorum pretia, e legibus petita esse Gothicis, quæ plus habent germanæ antiquitatis, huicque adeo materiæ plurimum lucis scenerantur. An eadem in Svecia quoque olim obtinuerit mancipiorum æstimatio, vel an hic carioris constiterint, incertum est. Saltim tribus marcis cum dimidia cædem servi compensandam jubent *Leges Westmannicae*

habuerint proportionem, adeat LUNDIUM l. c. p. 150. seqq. & Nobilissimi BOTIN sermonem, coram Reg. Acad. Sc. Holmensi a. 1771. habitum, qui inscribitur *Jämförelse imellan Mynts och varors värden i Sverige uti särskilda tider harvarf.* Si enim ponatur, quod ponendum esse, dissentientibus licet aliis bene multis, a Celebb. Duumviris solidissime est ostensum, omnem antiquitus æstimationem legalem computatam fuisse secundum *Marcam libratam*, quæ XVI. semunciiis, *lqd*, argenti puri constabat: cfr. LAGERBRING lib. cit. P. I. Cap. 12. §. 8. p. 414. *Pecuniariam* autem *marcam* sensim ita evoluisse, ut circa tempora BIRGERI *Jarl* dimidium tantum marçæ libratae efficeret, quod & allegata a nobis legum loca evidenter commonstrant; facili inde eruitur calculo, æstimationem *dedititii* ad eum qui hodie est monetæ valorem exactam fuisse circiter XII. reliquorum *mancipiorum* XXIV. vernarum autem LXIV. thalerorum imperialium: *Bovem* porro justæ magnitudinis sex imperialibus, *Ulnam* vero panni levidensis quatuor Skillingis præsentis monetæ constitisse. Neque caritatem horum pretiorum magnopere mirabitur, quisquis cogitaverit ( $\alpha$ ) Piraticam multam quotannis regno invexile auri argenteique copiam; v. LAGERBRING Lib. cit. P. II. C. 10. §§. 7. 8. pp. 222. seqq. ( $\beta$ ) Servos in pretiosissimis rebus fuisse numeratos, prout discimus e Fl. XVIII. GB. ÖGL ubi *Gull ok Silver, Jord ok Annðdugh Hion ok Djurshorn thet kallas Giárfimar*, qua postrema voce thesauros, clenodia, res præiosas, denotari docent IHRE in Glöss. T. I. p. 166. & VERELIUS in ind. p. 90. Et denique ( $\gamma$ ) paria fere in vicinis gentibus hoc ævo fuisse

nicæ (a). Septem autem marcas pro servo casu occiso domino pendendas volunt *Jura Uplandica* (b). Et licet non repugnet circa tempora ultimum revisi & emendati hujus Codicis, mancipia hoc fere venisse pretio; frustra tamen sunt, qui ex allegato loco, quo ordinaria tantum homicidii casualis, in quemcunque hominem etjam ingenuum admissi, mulæta, reo refligitur, probare illud satagent (c). Quod vero *Jure municipali Gotlandico* dimidia servis imposta fuerit ingenii hominis æstimatio (d); ejus rei cauilla ex peculiaribus oeconomiae urbicæ rationibus erit deducenda. Ex quo enim condi cœperunt oppida, ubique sere terrarum usu receptum fuit, singulos qui in illis sua figere vellent domicilia, si vel servilis essent conditionis laxiori donare libertate, quo sic, quod a servis exspectandum non erat, magis redderentur industrii, commerciisque ac opificiis exercendis eo vacarent diligentius. Respectu deinde *Dominorum servi aut privati* erant, privatis obnoxii, aut *publici*, quorum proprietas ad publicum pertinebat. Atque posterioris hujus gene-

E 2

ris

---

mercium pretia. Legatur in rei fidem HUME *Hist. of England* Vol. I. pp. 160, 161. & Vol. II. p. 152. Edit. Lond. 1762. 4.

(a) *LIX. Fl. ManbB. in pr.*

(b) 8. §. *VI. Fl. ManbB.*

(c) Fecit hoc STIERNHÖÖKIUS *lib. cit. p. 211.* At cum commercio jam tum exempti essent servi, *III. Fl. KäpmB. UpL.*; accessisset etjam sanctio, delicta in eos commissa, pari, quo in ingenuos, poena esse vindicandos, 9. §. *VI. Fl. ManbB. ibd.* haud difficulter inde colligitur, non ad æstimationem servi, qualiscunque illa ante fuerit, sed ad ordinariam homicidii casualis mulætam, quæ olim, pariter ac hodie, soli cedebat actori, laudatum *Jus, loco proxime cit. §. 8.* respexisse.

(d) *Lib. I. Cap. 9.*

ris erant, qui vel in prædiis patrimonii Upsaliensis, vel  
introducto Christianismo in Ecclesiæ fundis serviebant, in  
*Fiscalinos* proinde & *Ecclesiasticos* commode satis distin-  
guendi. Notatu autem dignum est, nullum leges, solo  
dominorum intuitu, inter servos, quoad eorum æstima-  
tionem, admissile discrimen. Quia vero ratione *munerum*  
vel *negotiorum*, quibus exsequendis quisque erat destina-  
tus, valde a se invicem differebant, quatenus scilicet *alii*  
ad honoratiora ministeria obeunda; *alii* ad ignobiliora ser-  
vitia; *alii* denique ad vilissimas operas perficiendas adhi-  
bebantur; hinc & quemadmodum in definiendo servorum  
pretio triplicem hanc ordinum diversitatem spectandam;  
ita & quoad duos superiores ordines dignitatis Domino-  
rum, quorum in proprietate erant, rationem insimul ha-  
bendam Jura voluerunt, fervata in classe infima, sive in  
rusticis servis, cuius demumcunque essent, ordinaria, de  
qua jam diximus, sanguinis servilis æstimatione. Supre-  
mi ordinis erant *Ministeriales*, quorum in censum antiquis-  
simo ævo vix alii veniebant, quam qui Regi ipsi adpare-  
bant & decentius quoddam quasi Ejus famulitium efficie-  
bant. At sequiori ævo, sive quod restricta nimia, qualis  
hucusque erat, populi libertate, ad firmandas Monarchiæ  
vires utile videretur angeri externum Optimatum splen-  
dorem, sive quod labefactatis quadantenus Regiæ Maje-  
statis juribus ad Aristocratiam inclinasset regiminis ad-  
ministrandi ratio, connumerari in iis cœperant, etjam qui  
similibus apud illustriores Magistratus, ut & Episcopos  
atque Legiferos fungebantur ministeriis. Nomina, qui-  
bus passim in Legibus designantur, sunt *Konungs Madher*,  
*Jarls & Biskups Madher*, *Hårtugha Man*, *Konungs Rads  
Mands Thjänistu Madher*, *Thes Hårra Man*, *sunt haver Stal-  
lara*

*lara ok Stekara ok Fiuratighi Sæffa a Sielssins Kust* (a); eo enim charactere ab inferioris subsellii Magistratibus distinguebantur Optimates, *Tvi-Herrar*, quod his proprium habere liceret Stabularium & Coquum, quodque tantam possiderent vel Allodiorum vel Feudorum amplitudinem, quanta navi quadraginta ordinum suis sumtibus instruendæ sufficeret (b). Servilis *Ministeriales* hosce olim habitos fuisse conditionis satis constat. Sedebat felicet Majorum nostrorum pectoribus alte insixa, quæ & cæteris cognatis gentibus communis nobiscum fuit opinio, servos, ad quem demumcunque pertinerent, & quantumvis splendidis in domo fungerentur ministeriis, nihilominus esse servos. Quam primum itaque quis ingenuo loco natus in ministerium Regnum ac Principum, sive necessitate, sive ambitione compulsus, se tradidisset, jacturam suæ ingenuitatis fecisse putabatur, & despectui quodammodo erat omnibus, qui servitiis aulicis abstinentes, suam sibi conservare didicerant libertatem. Exemplis rem illustrabimus. TUNNE Regis AUNI *Vetusfi* consiliarius ac Thesaurarius, servus ejus fuisse STURLÆSONIO dicitur (c). Apud eundem *Thora Morstrætung* femina ingenuis nata

E 3

pa-

(a) XIV. Fl. DrB. ÖGL. XX. Fl. MambB. UplL.

(b) An transitorum ordines vel remiges s. vettores rectius significet vox *Sæffa*, inter Eruditos non convenit. Eam vero controversiam nostram jam non facimus. Vide sis habe in Gl. voce *Sæffa*, & *Dissert. de Meritis Scand. in commercia & navigat.* Praefide S. BRING habitam Lond. Gotb. 1752.

(c) Yngl. S. C 30 Edit. Schöningianæ p 36. Tunni bet Tbræll banns, er varit bæfði med Ana binum gamla radagjardamadr oe Febyrdir banns. Quæ latine ita vertit SCHÖNING: Tunni nomen erat ejus mancipio, qui apud Anium Vetusfi Consiliarii &amp; Thesaurarii vicibus fundus fuerat.

parentibus, in aulam Haraldi Pulchricomi Norgæ Regis adlecta, & ex illo jam septuagenario mater fili Haquini, serva Regis audit. Idem eodem loco addit; Regi illo tempore servitute obnoxios fuisse superiori loco natos plurimos utriusque sexus homines. (a). Ostendit et jam ipsa denominatio, qua Ministeriales Konungx Man & Thjānistu Madher appellantur, servis, nec ingenuis hominibus, eos fuisse accensitos. Prior namque vox *Hominem Regis* sonat. Posterior, ut origine, ita & significatione convenit cum Germanorum *Dienstman*. Utramque autem in Legibus antiquis & scriptis medii ævi Homines proprios Regum ac Principum ad liberaliora servitia adhibitos denotare, extra omnem est dubitationem. (b), Maxime

(a) *Harald Harf. S. C.* 40. p. 118. ubi: *Tba er Haralldr Konungr var naer Sjöraedum, gat bann Son vid Kono thetrri er Thora er nefnd Mostrstaung; bun var æscod ur Moltr; bun atti goda frändor, oc var i Frændsemis tolo vid Horda-kara; Hun var kóllut Konungs Ambatt. Voro tba margir their Konongi lydscyldir, er vel voro ætthornir, bædi karlar oc konor;* quæ sic interpretatur laudatus Auctor: *Septuaginta propemodum annos natus Haraldus ex femina Thora dicta Mosturstaug filium suscepit. Insulam Morstur ejus habitabant majores proximi, atque parentes, non inferioris ordinis homines, cum genus suum illa ab Horda-kare posset numerare. Sed Regis vocabatur Serva; eo enim tempore Regi servitute quadam erant obnoxii, superiori loco nati plurimi, utriusque sexus homines.*

(b) E Legg. *Ripuār. Tit IX.* coll. cum *Tit. VII.* & ex *Tit. XIX. ibid.* item e Legg. *Longob. Caroli M. I.* 109. apud GEORGISCH pp. 151. 154. 1163 liquido adparet *Hominem Regium de Servo* dici, ejusque cædem duplo minori, quam ingenui hominis poena fuisse vindicatam. Sæpiissime etiam *Puer Regis*, in Legg. antiq. de tervis honoratoribus, ætate ju-

mei vero ad confirmandam nostram adassertionem facit, quae in *Jure Ostrogothico*, dum, ex noviori BIRGERI *Jarli* rogatione, sermo ibidem fit de homicidio in Ministeriales commisso, subiuncta legitur clausula, cædem eorum, eadēnī qua ingenui hominis xl. marcarum mulcta esse lūendā, *Han är svå gilder, sum flr var flift firi frålsan Man* (a). Nisi enim eos antea in servorum numerum relatos & longe infra ingenuorum sortem collocatos notorium fuisset, nihil hac clausula cogitari unquam potuissest absurdius. Opponuntur quoque ibidem *Herre & Man*, haud secus ac in aliis locis *Bonde & Tral*, ut adpareat, Ministerialem respectu sui domini, quem Optimatem esse oportuit, non melioris habitum conditionis, quam esset vile mancipium relatione facta ad suum herum in privata fortuna consideratum (b). Quæ autem antiquissima ætate fuerit *Ministerialium Regiorum* æstimatio difficillimum jam est definire. Quin tamen hos & cæterorum omnium servos

infi-

---

rioribus adhibetur. Neque aliam quam *Servi* notionem voci *Dienstman* in Chartis antiquioribus subesse ostendit *Speculum Svecicum* apud SCHILTERUM in *Thes. Antiqq. Teut.* T. II. e cuius C. 303. & addita' quidem versione larina transcribere lubet. §. 9. *Sciendum est quod nemo jure Ministeriales, Dienstman, habere possit, quam imperium & Principes: & §. 11. Omnes Ministeriales recte dicuntur homines proprii: Nomine autem Ministerialium ideo insigniuntur, quia sunt Principum homines proprii.* Cæterum cont. DU FRESNE I. cit. sub vocib[us] *Homo;* *Puer;* *Ministerialis,* ubi & varias hujus vocabuli significations adducit & exemplis illustrat, cfr. item IHRE I. c. sub *voc.* *Man* & *Tjana.*

(a) XIV. Fl. DrB. ÖGL.

(b) Debemus' hanc observationem toties jam a nobis laudato Nob. IHRE I. c. sub *voc.* *Man.* T. II. p. 127.

insigne a primis inde civitatis nostræ incunabulis intercepserit discrimen, omni vacat dubio. Postulabat ipsa subjectionis civilis indeoles, & devotissima, qua Sacro Sanctam Regis personam constanter prosecuti sunt nostrates, veneratio, ut hujus, etjam in famulos Ejus, fulgentissimo quotidie Majestatis splendore collustratos, aliqua exstanter indicia. Publicæ quoque securitatis intererat, ut qui summum circumdabant Imperantem & illius exsequebantur iussa, singulari quodam a vi, læsionibus ac injuriis immunitatis privilegio fruerentur. Jam ante tempora ERICI SANCTI, cum reliquorum servorum æstimatio duas nondum aut tres excederet marcas, Ministerialium Regionum cædem duodecim marcas pensandam Jura voluisse certum est. Quin imo si quis vel intra Territorium, *Hårad*, quoties Rex ibi præfens erat, vel in expeditione maritima in navi aut intra extrellum ponticuli ad litus inde ducentis, manus iisdem ad cædem usque vel plenum vulnus intulisset, præter ipsam delicti expiationem, aliam insuper, pro violata in eorum persona Regis sanctitate, pendere iam olim cogebantur XII. marcarum mulctam *Thukka*, *Thokka* & *Thunca-bot* in legibus adpellatam: quam deinde ad parem in eos violentiam ubique patratam Rex modo memoratus extendit. Interim magno adhuc ab ingenuis intervallo distabant. Quia vero imperii iuribus derogare & Regalis soli fastigio indignum videbatur, suos ministeriales deteriori quam ingenuos jure censerri; BIRGERUS *Jarl*, non regiae minus potestatis, quam publicæ pacis ac securitatis adfertor & vindex acerrimus, dum in eo erat occupatus, ut juris manuarii, quæ cuncta haec tenus tantum non impune turbaverat, licentiam, quam posset efficacissime refrænaret, eam quoque  
 culit

tulit legem, cuius modo mentionem fecimus, ut in posterrum hi cum ingenuis aequalis essent conditionis, pari in utrorumque capita pretio constituto. Adauxit idem antiquam mulctam leiae in persona servi Regiae Majestatis, ut & illa dehinc **XL.** marcis penderetur (*a*). Atque sic e saec hominum emerserant ministeriales, quorum & paulatim deinde ita succrevit dignitas, ut quorum honoratoria erant munia tandem in Nobilibus, inferioris licet ordinis, haberentur; qua tamen de re infra commodior erit dicendi locus. Circa haec eadem tempora, Procerum etiam ministros ingenuis aequiparari placuit. Et cum multa Thukka-bot uni ante hac Regi, nec alii praeterea cuiquam deberetur, nunc cautum est, ut etiam Optimates eandem pro occisis ac plene vulneratis suis ministris perciperent, Dux & Episcopus ad novem, reliqui vero eminentiores Magistratus & in iis quoque Legiferi ad sex marcas (*b*); quamvis tamen secundum *Jura Svecica* dispar nec satis sibi constans hujus mulctae suisse videatur ratio (*c*). Diversorum autem graduum, pro varia officiorum

F

auli-

(*a*) 6 § *XIV.* Fl. DrB. ÓGL. *Nu vorder drápin Kunungx Man,* Han ár sva gilder, sum fór var skilt firi frálsan man, ok án ivi at Kunungx tbukka: *Thet voro fórst Tolf marker,* síðan gaf sva Birghir Jarl i Lagh, at thet skulu vara Fiuvatigbi marker. *Tba var thet sva fór,* at vارد ban drápin firi borde álla bryggusporde áller innan Héradbe, *Tba skulle tbukka bôta,* ok egb állas: *Tba gafs thet sva i Kunung Eriks dagbum,* at ábvar han vارد drápin, tha skal taka tbukka firin, the sum ban agbu takas; cfr. BERGER Jarls Lefverne. Stockb. 1754. p. 211.

(*b*) §. §. 7. 8. 9. *XIV.* Fl. DrB. ÓGL. cfr. XII. Fl. WadB. ibid.

(*c*) Sic *Jus Upland.* XX. Fl. ManB. & Sudermannicum **XXXV.** Fl. MbB. XII. Marc. Thukka-bot Duci & Episcopo,

aulicorum diversitate fuisse hos Ministeriales per se patet; & horum e numero fuerunt, qui in annalibus & actis medii ævi *Svenar, Herræ-Svenar, Skutul-Svenar, Karti-Svenar, Häfta-Svenar, Sma-Svenar, Hirddränger, Hofdränger* &c. adpellantur (a). Medium servorum ordinem constituebant, quibus cura rei familiaris rusticæ, cum inspectione in cæteros servos operarios, vel etjam, quod accidisse nonnunquam constat, cultura prædiorum, sub conditione fructuum in commune quærendorum, fuit mandata. Hi si masculi essent, *Brytta, Bryttje, Bryti & Bröttje*; si vero feminæ *Deghja* in Jure dicuntur: quamvis tamen negari nequeat iisdem his vocibus etjam liberos homines, qui vel eodem fungebantur officii genere, vel eadem societatis lege alienos colebant fundos, haud raro significari (b). At pro dignitate fuorum dominorum etjam hi diver-

fam

---

Senatori autem Regio & cæteris superioribus Magistratibus sex marc. adsignant. *Helsingicum* 2. §. VII. *Fl. MænbB.* illis sex, his vero trium marc. mulctam tribuit, nec Regi ipsi plus quam XII. marcas addicit *Westmannicum* XXVI. *Fl. ManbB.* Veteris Juris constitutionem servat, adeoque Regi soli, nec ulli præterea alii, hanc mulctam concedit, ex noviori tamen Jure XI. marcis æstimatam, *ok ángin annan Herræ áger thokka bôter krávia utan Kononger.* Nec ullam nisi in homicidio simplici omnia hæc Jura huic mulctæ locum faciunt. *Tbenne Thukke komber ái utan i dropum: I hundradu giálduus áru igh Thukka bôter innan.* *UplL*. I. c. §. 1. 2.

(a) v. *SudermæL.* & *HelfL*. I. citt. item *Catal. Reg. Sviog. Legg. Westrog. subnexum* n. II. & *MAGNUS ERICSSONS Gårds R.* 1319. §. §. 4. 8. apud *HADORPHIUM* I. c. p. 9. & *IHRE* I. c. v. *Sven.*

(b) Originem vocis *Bryti* repetendam esse a verbo *bryta*, quod in linguis Islandica & A. Saxonica in dispensandi, promendi, distribuendi imo & possidendi significatu occurrat, docent *Nobil. IHRE* & *VERELIUS* libb. cit. Hinc & *Brytflock* I.

sam fortiebantur æstimationem. Cædes in villicos Regis, prædiis patrimonii Upsaliensis præpositos, *Kunungx Bryti i Upsala Öde*, commissa, olim XII. marcis; postea eadem plane ratione ac Ministerialium XL. marcis lueba-

F 2 tur.

§. XV. Fl. AB. WGL. bona communia in unum collata, confr. LUNDII not. ad VERELII Ind p. 4. & Alt bols bryti, omnes fundi fructus, i. §. XX. Fl. TBB. ibd. denotat. Quale vero fuit hominum genus, quod leges Scandicæ hoc vocabulo designant varie ab Eruditis est disputatum. Erronea vocis derivatione a *bryta*, quatenus vertendi ac fodiendi sentum involvit, deceptus, hanc adpellationem *Servis glebæ adscriptis* olim tributam fuisse suspicatus est STIERNHÖÖKIU<sup>s</sup> I. c. p. 208. ita tamen ut recentiori ætate ad officium eorum, qui pretio aut mercede servis essent præfecti, translatam concedat. Procuratorem peni s. *Villicum*, rationibus rusticis præpositum interpretantur ANDRÆAS SUNONIS in *Paraphr. lat. Legg. Scan. OSTERSSON WEIJLE in Gloss. supra cit. STIERNHIELM in Catal. voc. antiqu. Legg. WGetb. adjecto, VERELIUS in *Indice* & LOCCENIUS in *Lex. Juris Sviogothici*. Nobil. IHRE in *Gloss.* & ANCHER lib. cit. p. 514 seqq. licet non negent inconstantem admodum fuisse vocis hujus usum non tamen tam *Villicum* quam *Politorum* potius, cui definitio ULIPIANO I. 52. § 2 ff. pro *Socio*, ager datur in communione quærendis fructibus, nobis *Hälftebruksare*, eadem notari arbitrantur. Utramque tandem & *Villici* & *Politoris* notionem eidem subesse visum est HADOPHIO in *Interpr. voc. antiqu.* ad calcem Legg. *Scan.* a se editarum. Et huic sententiæ nos etiam tanto aditipulamus libentius, quanto clariora nobis videntur, quæ in legum tabulis occurruunt utriusque significationis incicia. Sic Fl. XII. WinsOB. ÖGL. ubi verba, nu sitter Bryti i bo mans, ok ban är Thral bans &c. aperte servum notat, cui cura rei familiaris erat mandata. Pariter §. 2. Fl. VII. AB. WGL. evidenter satis vernam indigit, custodiæ bonorum pupillarium præfectum. Villicum autem sive servum sive liberum, cui quis domus suæ custodiam credit Fl. XII. XV. XVI. AB. WGL. & XCVI. Fl. ManhB. WestmL. notare vide-*

tur. Et licet haec multa æqualis esset mulætæ pro oe-  
ciso homine ingenuo pendendæ; quia tamen totam Regi,  
tanquam domino, quod servilis æstimationis proprium e-  
rat, adplicandam Jura voluerunt, patet inde eos nova  
haec lege ingenuis neantquam fuisse exæquatos (a). Qui  
prædiis Ducalibus & Episcopaliibus præfæcti erant servi,  
triplo (b); qui autem Legiferorum curabant fundos du-  
plo

---

tur. Saltim §. §. 4. 5. 7. XII Fl. FornB. WGL. & 3. §. XV.  
Fl. ManB. UpL nonniſi de libero homine, qui villicum se  
conduci paſlus est explicari poterit. *Politorem* contra & qui-  
dem servum haec voce innui XIV. Fl. DrB. ÖGL. ex adjecta  
partim æstimatione, partim inde quod similitudinem nonnaul-  
lum cum Socio, *Bolaxman*, qui condominium jure fundum ex  
æquo cum altero possidebat, habuisse ſupponatur, clare fatis  
intelligitur. Manifestum quoque est *Colonum* partiarium s. po-  
litorem & quidem liberum toto Lib. XV. Legg. Scen. hac  
voce significari. Utraque autem significatio & *Villici* & *Po-*  
*litoris* huic voci tributa occurrit in fragmento ad XVI. Fl.  
ÄB. WGL. *Siter Bryte i bo, koper jord eller andra Gersimar*  
*med bo boggia theira, åge sva myckit i thy han koper, sum han*  
*ägber i bo. Siter Bryte firi bo, agber engti i bo, koper jord*  
*eller gersimar; agbe tbet Bonden sum gods a.* In priori enim  
membro *politorem*: in posteriori *villicum servum*, qui non  
fibi sed domino acquirebat, innui evidens est. *Politoris* au-  
tem notio, postquam exolescere jam cœpisset servitus, diu-  
tissime huic vocabulo adhælit; licet illa qua *villicum* & qui-  
dem *servilis conditionis*, quales plerosque quondam fuisse credi-  
bile est, denotavit, & antiquior & frequentior olim fuisse  
videatur. Ut vero *Bryti villicum* sic *Degbia feminam* notat  
curandæ rei familiarí præpositam. 2. §. XV. Fl. AB. & XCVI.  
Fl. ManB. WestmL.

(a) XIV Fl. DrB. ÖGL. in pr. *Na värder dräpin Ku-*  
*nungx Bryti i Upsala Ödbe, ban är gilder at Fjuratigbi mar-*  
*kum, thbm a Kauunger taka.*

(b) §. §. 1. 2. l. cit.

pto majoris quam cætera mancipia æstimati leguntur: à ta tamen, ut non aliorum, quam quos senatoria dignitas nobilitavit, Legiferorum villici hoc carioris æstimationis privilegio fruerentur (a). Cæde vero aut alio quoenque delicto graviori in hos patrato damnum quidem, at nulla contumelia, domino ad quem pertinebant, videbatur illata; ideoque nec in iis criminibus locus fuit multæ quam *Thukka-bot* appellatam diximus. Atque hoc respe-ctu Ministerialibus longe erant inferiores, personam quippe non magis quam viliora quibus præerant mancipia habentes (b). Villicorum, quos Bondones suis præ-

F 3 ficie-

---

(a) 3. §. l. c. Nu vørder Laghmans Bryti drápín, hou ár gildet at Siáx markum: Tha skal ban bava Stakkara ok Stekara ok Fiuratighi Sáffa a Siálfssins kuft. Singularis plane est, quam Nobil. LAGERBRING Sv. R. Hist. D II. C. 18. §. 9. ex adlato loco probatum ivit opinio, fuisse nimirum *Bryttios* Legifero-rum tantæ auctoritatis & opulentiae viros, ut proprium ale-rent Stabularium & coquum, navemque longam xl. remi-gum suis instructam sumtibus sustentarent. Qui vero adten-derit latam esse hanc legem circa illa fere tempora, quibus Legiferi, Bondonibus prius accensiti, cooptari jam cœperant, unus post alium, in numerum Optimatum; Hos autem lau-tiori hoc comitatu ad magnificentiam & pompadam, excitan-damque ea re populi venerationem comparato, a Bondonibus fuisse distinctos: facile largietur ultima Legis hujus verba nonnisi de ipso Legifero esse intelligenda, & conditionem iisdem contineri, qua posita *Bryttius* ejus cariori, præ Bon-donum villicis pretio lueretur. Parum quoque probabile est villicos, quorum hoc loco fit mentio, sex marcarum homi-nes qui ob servilis suæ conditionis maculam ingenuis omni-bus erant contemtui, invidendam adeo affectasse aulam.

(b) Valuit de his quod de cæteris servis *Thunca* bytir en-gin *Tbrelí*, oc engum bytr oc *Threl Thunca*. *Jus Gottl.* Cap. XIX. §. 68.

ficiebant laribus, idem quod reliquorum servorum *Jure Gothico* fuit pretium (a): *Jus tamen Westmannicum* duplicita mulcta cædem eorum in loco domicilii cominißam vindicat (b). Ad insinam tandem mancipiorum classem pertinebant servi rustici, qui in agris colendis desudabant, vel ad alias quascunque sordidiores operas præstandas adhibebantur. Horum autem de æstimatione quæ dicenda essent supra occupavimus.

### §. XI.

Sed satis forte jam ex placitis Juris patrii de variis servorum generibus dictum. Ante vero quam progredi amur longius, adtingenda paucis videtur quæstio & illa quidem non exigui momenti, an, quam rusticam hodie vocamus gentem servis olim tota constituerit, vel quod eodem recidit, an *adscriptitia* unquam in orbe Sviogothico viguerit *servitus*. Novimus quidem neminem qui directe hoc adserere sit ausus: haud raro tamen offendes, talia variis auctoribus scriptis suis esse inspersa, quæ vix alio tendunt, quam ad insinuandam hominum animis opinionem, ingenuos olim piraticæ, latrociniis & venationibus deditos, agriculturam adeo fastidisse ut eam non nisi vilissimis convenire mancipiis judicarint: Colonorumque ideo & universæ quæ agris ingemebat plebis servilem antiquitus fuisse conditionem. Qua propter e re erit dispicere an ullæ adsint rationes, quæ justam huic suspicio ni præbeant occasionem. Evidem non inficiamus Abo rigines

---

(a) §. §. XIV. Fl. DrB. ÖGL

(b) LIX. Fl. ManhB. Dräper Frålsman Tbrål, bot hans half fjårdbe marker. Bär thán nykla Bondans ok radber allum lasum, vardber i garde dräpin hemma, ligge ban i markum Sju.

rigines nostros Marti quam Cereri diligentius litasse, & glorioius ipsis visum vocare hostes & vulnera mereri, quam arare terram & exspectare annum. At dandum nihilo minus nobis putamus, eosdem deposita pristina feritate, mature fatis ad mitiorem transiisse vitæ cultum & agris colendis strenue invigilare cœpisse (a). In numerosissima gente fieri non potuit, ut omnes eadem vexaret bellica per orbem virtute innotescendi cupido. Et quamcunque magnus eorum ponatur numerus, qui aleæ plenam hanc ingressi sint famæ nominis sui consulendi seque cum suis alendi viam; æqualem certe si non majorem eorum oportuit esse multitudinem, qui perspecta semel agriculturæ utilitate ruri delitescere & incultam versando terram victimum quererere mallen. Quam insignes regnante familia Ynglingica agricultura apud nostrates fecerit progressus nemo est, qui ignorat. Neque tamen minimum occurrit vestigium, solos servos excolendis per vastas solitudines agris operam dedisse. Narrat STURLÆSONIUS (b) populum, *Lands-Folkit*, qua voce non servos sed ingenuos homines in veteri lingua indigitari notum est a BRAUT-ANUNDO Rege per excultos noviter agros distributum. Nec ulla fe tuetur veri specie, servorum fuisse coloniam, quam in *Wermelandiæ* deserta OLAVUS *Lignarius* deduxit. Saltim tum nulla adfuisset ratio, cur pro ludibrio ejus haberent institutum, quibus pacatior displicebat vita, quod tamen eos fecisse ejusdem STUR-

LÆSO-

(a) BOTIN om Sv. Hemman. §. I. C. I. §. 3. LAGERBRING  
I. c. D. I. C. 12. §. 2.

(b) Yngl. S. C. 37. Ward af Tbeffum bætti viðt land  
bygt, tbvi at Lands-Folkit var gnægt til lands bygdarinnar.

ZESONII testimonio constat (*a*). Quin imo postquam progressu temporis certi, qui inculti jacebant silvarum tractus certis adsignarentur universitatibus, iis, qui vel vastissimi vel in vicinia prædiorum patrimonii Upsaliensis siti essent, fisco reservatis, unde, *Härads, Lands & Konungx Allmånnigar*; horum etjam portiones partim venditionis titulo, partim sub conditione solvendæ annuae pensionis, in ingenuorum, qui *Allmånnings Bönder* inde dicebantur possessionem translatas constat (*b*). Et quamquam hi avitorum fundorum possessoribus postpositi legantur (*c*); potioris tamen quam coloni erant conditionis, & sedes suas dominii jure tenebant, honorifico Bondonum nomine adpellati (*d*): Unde & jura ingenuitatis in toto suo complexu sumta *Bonda Lagh* (*e*) & *Lagh māna* (*f*) dicuntur. Testatur quoque ADAMUS BREMENSIS in multis Svediae locis pastores pecudum nobilissimos suisse homines, quales in patriis annalibus *Bonde godr ok rikr* audiunt, ritu Patriarcharum & labore manuum suarum viventes (*g*). Est præterea adeo notum, quam quod notissimi-

(*a*) *I. c. Cap. 46. En er spurdiz til Olafs i Svitbiot, at han ryðr maskir kölludu their bann Tretelgiu, oc thotti hædiligt bans råd.*

(*b*) *2. §. I. Fl. EglnSB. 6. §. XXVIII. Fl. BB. ÖGL. XX. & XXI. Fl. JB. Upl. &c.*

(*c*) *V. Fl. BardB. WGL.*

(*d*) *6. §. IX. Fl. KirkB. ibd. The sum bo a Allmånnings jord, ok taker Son áptir Fadber, the beta Bönder, ok eig Landboe. Cfr. BENZELIUS de Jure Censit. §. 6.*

(*e*) *3. §. IX. Fl. MandrB. WGL. XIV. Fl. KirkB. Upl.*

(*f*) *1. §. XVII. Fl. ÅB. ÖGL.*

(*g*) *De Situ reg. Sept. apud ORNHIELM Hist. Sv. Eccl. III. 20. 26.*

tissimum in Germania non minus quam aliis plerisque Europeæ nostræ regionibus, partim ex *bellicâ vi*, qua gentes sub jugum missiæ, adempto ipsis fundorum, quos possidebant, dominio, ad eosdem in victricis gentis usum colendos & serviles quasvis præstationes subeundas cogebantur: partim, postquam hereditaria reddi feuda & aucta indies Cleri ac Nobilium potentia, paucorum opes ingenuæ plebi graves esse cœpissent, *confuetudinario* quodam jure, cui legalis tandem accessit sanctio: partim denique *voluntaria oblatione*, qua sub anarchicis turbis & furente dissipationum peste, cum plerique jus suum armis ac potentia metirentur, ut ne latrociniorum quidem eos puderet, ingenuorum haud pauci, quibus in propriis viribus non satis esset præsidii se ipsos & allodia sua in potentiorum, Ecclesiarum in primis ac Monasteriorum dominium, stipulata fibi horum tutela ac patrocinio, conferebant, natam, fotam & longe lateque propagatam fuisse adscriptiæ servitutem (a). Quis vero dicere ausit, rusticam in Svecia nostra gentem avitæ suæ ingenuitatis hisce modis fecisse aliquando jacturam, aut adquisitam cuiquam ejus proprietatem. Non enim vi subacti nostrates, triste illud

G

usquam

(a) E duabus prioribus caussis originem hominum propriorum repetit *Specul. Sœv.* Cap. 303. §. 25. Ita autem ibi *Revera proprietas hæc cœpit a vi & captivitate & varia violentia, quam imperantes & potentiores in usum & confuetudinem verterunt, & Mignates tamen rem hanc, proprietatem hominum justam judicant.* Quibus confona sunt que habentur in *Spec. Saxon. Lib. III. Artic. 42.* De *voluntaria* autem *oblatione* videantur BOEHMERI *Jus Eccl. Protest. Lib. III. T. XX. §. §. 13. 14. Tom. II. p. 825. seqq.* & DU FRESNE lib. cit. voce *Oblatus*. cfr. ROBERTSSON *Hist. du Charles Quint. T. II. pp. 78. 80. & p. 165. seqq.*

usquam experti sunt fatum, quo imperiosi victoris arbitrio suos permittere coacti fuissent fundos. Et eum diversa plane, quod supra jam subinnuimus, ab ea, quae in aliis gentibus, apud nos esset feudorum ratio, neque eas, saltim quamdiu adhuc viguit servitus, procerum factio adquirere potuit vires, quae vel regnantis Majestatem, communis semper faventem libertati, precariam reddere, vel ingenuorum jura subvertere penitus valerent. Quae medio-sere saeculo XII. ad arma plebis manibus excutientia moliti sunt Clerus & Optimates; crebrae item quae in legibus occurrunt de locationibus conductionibus praediorum, de legitimo censu, de justo renunciationis die, emigrationis termino & mercenariis famulis constitutions; ea inquam omnia ingenuitatem rusticæ gentis, luculentissime evincunt (*a*). Nullo praeterea negotio intelligitur adscriptitiam si nostratum moribus unquam invalluisse servitutem adeo uno velut iectu aboleri neutquam potuisse, ut non aliqua & exstantiora quidem longo post tempore ejus remansent vestigia. Non profecto fuit aliqua servitutis species, quae tentatis multisfariam a Summis Principibus plebis in libertatem adferendæ remediis pertinacius obstatit. Ejus etenim abolitione cum actum iri de opibus suis ac potentia cernerent Magnates & qui lauta tenebant feuda, non poterant non, quin omnem moverent lapidem, quo suum in homines amplissimis suis latifundiis adnexos dominium pro virili tuerentur. Qua pervicacia & quo successu in eo laboratum fuerit historia plus satis monstrat; & quae etiamnum per magnam orbis

(*a*) *V. BardB. WGL. X. XV. Fl. JB. XI. Fl. WiderBB. UpL XIV. XV. Fl. JB. XII. Fl. FornB. WGL. IX. XII. Fl. BygdB. OGL.* quae allegata sufficiat.

orbis Europæi partem obtinet imperfecta admodum rusticorum libertas, a pristinæ servitutis rigore non adeo multum abludens, locuples ejus rei est testis. Ejusmodi autem de vindicanda in libertatem plebe certamina, nostris annalibus aut inaudita plane sunt, aut si qua eorum comparent indicia, ad recentius pertinent ævum, quam ut nunc in censum venire queant. Nulla scilicet egebat vindicta, quæ nunquam oppressa fuerat libertas. Servos porro ipsos, quorum opera in re sua familiari utebantur ingenui, quod adtinet, negari forte nequit, quin acciderit subinde, eorum nonnullis & in primis vernis, villarum cultum ab opulentioribus, sub conditione vel partiendorum ex æquo fructuum, vel alia quacunque præstationum lege fuisse mandatum; eosque proinde, *Casatis Germanorum* haud absimiles, prædiis, quæ colenda semel suscepserant, una cum suis posteris inhæsisse. At cum non ex lege, sed ex solius domini arbitrio hic penderet nexus, frustra omnino sunt, qui *servos*, quos *glebae adscriptos* proprie dicere queas, quosque pro parte ipsius fundi habitos & immobilium jure censitos, nonnisi cum ipsis prædiis alienare dominis licuisset, in patria extitisse autem. Et primo quidem nullatenus est probabile, servorum qui quocunque modo siebant aut nascebantur, eam fuisse apud nos multitudinem, quæ adornandæ vel cum aliqua veri specie huic hypothesi sufficeret. Deinde notari meritetur constitutiones de alienatione mancipiorum lata, non iis, qui jura civium circa res immobiles & fundorum cultum pro objecto habent legum Titulis, *Balkar*, sed quibus de acquirendis & transferendis rerum mobilium dominiis agitur, esse insertas (a). Neque produci adhuc

(a) Sic in *Jure Upland.* III. Fl. *KöpmB.* in *Ostrogoth.* I.

quantum nobis quidem constat, potuerunt ullæ testamenterum formulæ, vel venditionum aut donationum instrumenta, quæ una cum dominiis prædiorum servorum etiam proprietatem translatam ostenderent. Et licet, haud fecerat ac fundi aviti, a communione inter conjuges excepta fuisse videantur mancipia; quia tamen idem obtinuit quoad aurea & argentea vase, cornua, quibus poculenta administrari solebant, artificiosius elaborata, culeitras & aliam majoris pretii supellecilem (a), nihil inde lucrabitur contraria fententia. Quemadmodum autem ex dictis patet, servos in rerum mobilium numero fuisse habitos, ita nec dubitari amplius potest, eos non prædiis sed personis fuisse adnexos adeoque nec glebæ inhærentes. Atque hæc eadem fere servitutis ratio per omnem olim valuisse videtur Scandinaviam. Neque enim vetera Daniæ aut Norvegiae jura ullam adscriptitiae servitutis mentionem faciunt. Et si qua alicubi in his regionibus esse deprehendatur rusticorum conditio, quæ ad adscriptitiam non nihil accedit; eam novioris ævi institutis deberi ab ANCHERO (b) est demonstratum.

Absoluta autem sic prima quasi doctrinæ de priscis Sviogothorum servis particula, hic subsistere variae nos

co-

---

*Fl. WissOB.* in *Sudermannico III.* *Fl. KópmB.* de venditionibus servorum statuitur. Hi autem Tituli de jure circa acquisitionem mobilium agunt. In *Jure Ostrog.* *XIII.* *Fl. EgbnaSB.* de venditione quicquid vernæ sermonem fieri clarum est; atque hæc unica est, quam novimus a thesi nostra exceptio: Quia tamen neque ibi fundum simul vendi debere jubetur, satis patet etiam hos pro arbitrio domini a fundis quibus insidebant fuisse alienabiles.

(a) *XVIII. Fl. GB. OGL.*

(b) *Lib. cit. pag. 418. seqq.*

coquunt rationes. Quæ dicenda restant, de jure dominorum in servos: de horum ad forum tam civile quam criminale habitu: de modis quibus finiri solebat servitus: de Libertinorum conditione: & de caussis tandem abrogatae servitutis, ejusque abrogationis in statum civitatis nostræ effectibus, alio si D E O ita visum fuerit tempore persequemur.



